KA Buke
Book of
O Na
Hawaiian Songs
LEO MELE HAWAII
for the good and the happy
No ka Pono 'a me ka Pomaikai
O Na
Hawaiian Lules
HOME HAWAII,
for friendly gatherings and for
Na Anaia Hoolaulea a me na Aha
musical assemblies
Mele Hoonanea.

Prepared and printed by
HOOMAKAUKAU A PAI IA E
and
KEAKAOKALANI a me J. M. BRIGHT

HONOLULU:
HALE PAI MAHU F. C. ADVERTISER,
1886.
<table>
<thead>
<tr>
<th>Song Title</th>
<th>Page</th>
</tr>
</thead>
<tbody>
<tr>
<td>Adios ke Aloha</td>
<td>23</td>
</tr>
<tr>
<td>Aia i Alakai</td>
<td>5</td>
</tr>
<tr>
<td>Ainahau</td>
<td>74</td>
</tr>
<tr>
<td>Ahi Manu Olaa</td>
<td>12</td>
</tr>
<tr>
<td>Ahi Wela</td>
<td>54</td>
</tr>
<tr>
<td>Akahi hoi</td>
<td>46</td>
</tr>
<tr>
<td>Aloha oe</td>
<td>34</td>
</tr>
<tr>
<td>Aloha no Lilia</td>
<td>73</td>
</tr>
<tr>
<td>Anahulu</td>
<td>72</td>
</tr>
<tr>
<td>E hoona ae ana</td>
<td>50</td>
</tr>
<tr>
<td>Ehukai Okatoba</td>
<td>58</td>
</tr>
<tr>
<td>E nihi ka hele</td>
<td>44</td>
</tr>
<tr>
<td>E pili E pili</td>
<td>86</td>
</tr>
<tr>
<td>Ever Sweet</td>
<td>93</td>
</tr>
<tr>
<td>Ia oe ka nani pua rose</td>
<td>20</td>
</tr>
<tr>
<td>Ihiihi i ka Wekiu</td>
<td>70</td>
</tr>
<tr>
<td>Ike ia Pelekane</td>
<td>59</td>
</tr>
<tr>
<td>Ipo Lauae</td>
<td>25</td>
</tr>
<tr>
<td>Ipo lei liko lehua</td>
<td>92</td>
</tr>
<tr>
<td>Oni a ka Moku</td>
<td>28</td>
</tr>
<tr>
<td>Ua hiki no me a'u</td>
<td>39</td>
</tr>
<tr>
<td>Ua kea o Hana</td>
<td>43</td>
</tr>
<tr>
<td>Ua noho au a Kupa</td>
<td>47</td>
</tr>
<tr>
<td>Uluhua</td>
<td>27</td>
</tr>
<tr>
<td>Haupu honi i ka Makani</td>
<td>90</td>
</tr>
<tr>
<td>Hale Ola</td>
<td>54</td>
</tr>
<tr>
<td>Hawaii Pono</td>
<td>3</td>
</tr>
<tr>
<td>He Ai na Kalani</td>
<td>21</td>
</tr>
<tr>
<td>He Iniki</td>
<td>49</td>
</tr>
<tr>
<td>He Inoa no Kaiulani</td>
<td>6</td>
</tr>
<tr>
<td>He Inoa no Kaiulani</td>
<td>10</td>
</tr>
<tr>
<td>He Inoa no ka Lei o Hawaii</td>
<td>30</td>
</tr>
<tr>
<td>He Inoa no Kaleleonalani</td>
<td>73</td>
</tr>
<tr>
<td>He Inoa no Kapili</td>
<td>82</td>
</tr>
<tr>
<td>He Inoa no Keelikolani</td>
<td>9</td>
</tr>
<tr>
<td>He Inoa no Likelike</td>
<td>84</td>
</tr>
<tr>
<td>He Inoa no Liliuokalani</td>
<td>13</td>
</tr>
<tr>
<td>He lei na ke aloha</td>
<td>89</td>
</tr>
</tbody>
</table>
He Lei no Liliu .............................................. 9
He wahi kilihau anu ........................................ 23
Hiilawe .......................................................... 11
Hoalu kipuka ili ............................................... 76
Hoolale o ka Uku ............................................ 60
Hoonaona kaanahele ....................................... 35
Hoku Boys ...................................................... 83
Hole Waimea .................................................. 26
Holuikawai ..................................................... 8
Home Puakoolau ............................................. 16
Hosio ............................................................. 48
Hui Nioha ......................................................... 70
Hulupala .......................................................... 68
Ka Anoi ............................................................ 52
Ka awa o Puna ................................................ 86
Kainuwai .......................................................... 29
Ka oiw nani o ke Kamakahala ......................... 55
Ka owea ke kai .................................................. 38
Ka uka i Waahila ............................................. 95
Kaulilua e o mai .............................................. 4
Ka Hae Kalaunu ............................................... 52
Ka hanu o Evalina ............................................ 81
Kahiona a na manu .......................................... 80
Kalama Ae One ............................................... 69
Ka makani Lihaupua ....................................... 79
Ka Makua Mana Loa ........................................ 3
Ka Malanai ......................................................... 88
Kapahi Blossom .............................................. 41
Kapili ............................................................... 5
Ka Pua Kakoili .................................................. 7
Kawaikini ........................................................ 68
Ke ahe lau makani ........................................... 14
Ke ala Iliahi ..................................................... 56
Ke ala pun Pikake ............................................ 46
Ke ala Tuberose .............................................. 53
Ke Aloha Hipunpum ........................................ 51
Ke Aloha Hooheno .......................................... 37
Ke ano lai mai nei kaanahele ......................... 92
Kehaulani ......................................................... 11
Ke home ae nei ................................................ 40
Ke kaupu ............................................................ 15
Ke kii onohi ....................................................... 50
Ke ko mai nei ke ala ........................................ 81
Kilauea ......................................................... 19
Kiss and never Tell ........................................... 91
Kokohi .......................................................... 16
Koni au la i ka wai ............................................ 13
Kuu Aloha la e maliu mai .................................... 62
Kuu hoa la i Halemano ....................................... 63
Kuu ipo kuu lei .................................................. 65
Kuu ipo nohea .................................................... 22
Kuu lei mokihana .............................................. 28
Kuu wai lilii Mokihana ...................................... 85
Kuwili iho au .................................................... 55
Kuhaimoana ..................................................... 83
Kubalahala ....................................................... 61
Laau houulu kino ............................................... 27
Lau ahihi o Lihue ............................................... 69
Lau onaona ..................................................... 57
Lau vabine ....................................................... 14
Lanihuli .......................................................... 43
Lei Aloha ........................................................ 39
Lei onaona ....................................................... 51
Lehua i Hopoe .................................................. 37
Lia i ka wai mapuna .......................................... 80
Lihau ............................................................. 49
Lihi kai o Ohele ................................................ 21
Lihi wai o Lao .................................................. 41
Lilii Lehua i Mana .......................................... 24
Lilii Mokihana .................................................. 17
Lipoa aala o Lele .............................................. 71
Lokoino maoli oe e ke hoa ................................. 19
Maemae Lihau .................................................. 30
Magnolia ........................................................ 78
Mai hoceu mai oe .............................................. 72
Mahina Malamalama ........................................ 36
Makalapua ..................................................... 66
Malanai .......................................................... 48
Malu Ulu ....................................................... 87
Manu kapalulu .................................................. 31
Manu lauwili .................................................... 44
Milihai Pua ..................................................... 63
Moani ke ala ................................................... 12
Moaula ........................................................... 78
<table>
<thead>
<tr>
<th>Title</th>
<th>Page</th>
</tr>
</thead>
<tbody>
<tr>
<td>Molokini</td>
<td>47</td>
</tr>
<tr>
<td>Na Hula o Naue</td>
<td>88</td>
</tr>
<tr>
<td>Na Makana</td>
<td>32</td>
</tr>
<tr>
<td>Nani Haili po i ka lehua</td>
<td>76</td>
</tr>
<tr>
<td>Nani Waipio</td>
<td>13</td>
</tr>
<tr>
<td>Niolopua</td>
<td>31</td>
</tr>
<tr>
<td>Nihoa</td>
<td>66</td>
</tr>
<tr>
<td>Nu'a o ka Palai</td>
<td>34</td>
</tr>
<tr>
<td>Nuhou</td>
<td>67</td>
</tr>
<tr>
<td>Pali Koolau</td>
<td>45</td>
</tr>
<tr>
<td>Pela kapu o Kakae</td>
<td>26</td>
</tr>
<tr>
<td>Peseki</td>
<td>35</td>
</tr>
<tr>
<td>Pili aaoao</td>
<td>25</td>
</tr>
<tr>
<td>Pili kaapekeke</td>
<td>57</td>
</tr>
<tr>
<td>Pili palua</td>
<td>68</td>
</tr>
<tr>
<td>Pilipili ka ua i ka nahele</td>
<td>90</td>
</tr>
<tr>
<td>Pohai na Iwa</td>
<td>32</td>
</tr>
<tr>
<td>Poli pumehana</td>
<td>17</td>
</tr>
<tr>
<td>Pua Alani</td>
<td>42</td>
</tr>
<tr>
<td>Pua Iliahi</td>
<td>59</td>
</tr>
<tr>
<td>Pua Megelo Note</td>
<td>95</td>
</tr>
<tr>
<td>Pua nani o Hawaii</td>
<td>75</td>
</tr>
<tr>
<td>Pua Sadinia</td>
<td>60</td>
</tr>
<tr>
<td>Puu o Hulu</td>
<td>67</td>
</tr>
<tr>
<td>Puuhue</td>
<td>65</td>
</tr>
<tr>
<td>Waianuenue</td>
<td>38</td>
</tr>
<tr>
<td>Wai o Kanewai</td>
<td>56</td>
</tr>
<tr>
<td>Wai hui o Kalena</td>
<td>91</td>
</tr>
<tr>
<td>Wailua alo Labilahi</td>
<td>18</td>
</tr>
<tr>
<td>Waimanalo</td>
<td>40</td>
</tr>
<tr>
<td>Waipunalau</td>
<td>64</td>
</tr>
<tr>
<td>Waipunalau</td>
<td>93</td>
</tr>
<tr>
<td>Wahine hele la o Kaiona</td>
<td>7</td>
</tr>
<tr>
<td>Wiliwili wai</td>
<td>64</td>
</tr>
<tr>
<td>Beauty</td>
<td>58</td>
</tr>
<tr>
<td>Be still oo</td>
<td>85</td>
</tr>
<tr>
<td>Charming Ipo Laulii</td>
<td>74</td>
</tr>
<tr>
<td>Come darling lei lehua</td>
<td>94</td>
</tr>
<tr>
<td>Sunday Manoa</td>
<td>77</td>
</tr>
<tr>
<td>Sweet Lei Lehua</td>
<td>20</td>
</tr>
<tr>
<td>Sweet Moonlight</td>
<td>45</td>
</tr>
<tr>
<td>Sweet Violet</td>
<td>38</td>
</tr>
<tr>
<td>The Eating of the Poi</td>
<td>96</td>
</tr>
</tbody>
</table>
BUKE MELE HOONANE'A.

HAWAI'I PONOI.

Hawaii Pono'i,  
Nana i kou Mo'i,  
Ka Lani Ali'i,  
Ke Ali'i.

Hui: —Makua Lani e,  
     Kamehameha e,  
     Na kaua e pale,  
     Me ka i-he.

Hawaii Pono'i,  
Nana i na 'Lii,  
Na pua kou muli,  
Na pokii.

Hawaii Pono'i,  
E ka lahui e,  
O kau hana nui,  
E'u-i e.

KA MAKUA MANA LOA.

Ka Makua Mana Loa,  
Maliu mai ia makou,  
E haliu aku nei,  
Me ka ua haaaha'a,  
E mau ka maluhia,  
O nei Paeaina,  
Mai Hawai'i a Niihau,  
Malalo o kou malu.

Hui: —E mau ka ea o ka aina,  
     Ma kou pono mau,  
     A ma kou mana nui,  
     E ola, e ola ka Mo'i.

E ka Haku malama mai,  
I ko makou nei Mo'i.  
E mau kona noho ana,  
Maluna o ka noho Ali'i,
HAAWI MAI I KE ALOHA,
MALOKO KONA NAAU,
A MA KOU AHOUI,
E OLA, E OLA KA MOI.

MALALO O KOU AHOUI,
NA'LII O KE AUPUNI,
ME NA MAAAINANA,
KA LEHULEHU NO A PAU;
KIAI MAI IA LAKOU,
ME KE ALOHA AHOUI,
E OLA NO MAKOU,
I KOU MANA MAU.

LILIU.

KAULILUA E O MAI.

KUPU ILUNA KELA KA LANI,
MALAMALAMA KA PAE OPUA,
PUA A MOHALA HE LEI NANI,
HE MINIMILI NA KA LABUI

HUI:—E KAULILUA E O MAI,
KALANI NUI POAI-MOKU,
KA WOHI KAPU A KEOHO,
HIIALO HOI A KAPA-AKEA.

IKE HAWAII O KEAWE,
UA KURI KA LONO I MAUI O KAMA,
NE-II I MOLOKAI-A HINA,
HE HANA NAU E KAULULAAU.

E MANOKALANI KO WEHI,
KA PULAPULA A KEAWEHEEULU,
UA ULU UA KAPU I KO POLI,
UA KUMU UA MOLE I OU KUPUNA.

KAWAIIHAU GLEE CLUB.
AIA I ALAKAI.

Aia i Alakai kaanoi,
Na pua keu a ke aloha,
He aloha ka-i mau loa;
A no'u a no i ala kekahi.

Hui:—Oia 'la ka pua i poni ia,
I kukuni paa ia ka iini,
He iini keu na ka manao,
O halia hana mau i ke kino.

Kuu kino kai lono i ka leo,
I ke kani a ka manu o uka,
Ulu mai ka manao a nui,
Hoonua i ka lau laau.

Hui:—Au mai nei Holuikawai,
Ma ke kihi hema o ka aina,
Aneane hoolale na manu,
Na kapuai kani o Ulili.

Ke nu mai nei ka makani,
Ke owe mai nei ka moana,
Ane hiki mai paha o Uwila,
O ke aiwaiwa o luna.

Hui:—Nana i kaomina mano,
Hakukoi ka wai i na pali,
Puluelo i ka ua kehau,
Ua olu i ka liko o ka lehua.

KAMEALOHA.

KAPILI.

He inoa keia e Kapili la,
E ka pua nani maë ole,
I anoi ai na manu la,
Hauwalaau ai kanahaile,

Hui:—E Kapili e, E Kapili,
Ka wahine kui lei rose,
E walea ana i ka olu la,
I ka nani la o Huia.
Kahiko ka ua i kanahele la,
I ka liko o ka lehua,
Ka anapu a ka uila la,
I ka maka o ka opua,
Pi'o mai e ke anueanue la,
I ka luna kapu la o Hulia,
I kahiko ia no ka Home la,
O ke kana lei o ke kaona.

E ola ku haku kuu lani la,
Me oe pu aku ke aloha,
Hookahi waiwai o ka ike la,
A maalo aku heahea mai.

D. Malo.

HE INOA NO KAIULANI.

E aloha ae ana hoi,
I ka ua Lililehua,
I ka lawe malie i ke pili,
Koiawe i ka wai o Waiehu.

Hui:—Aia ilaila ke aloha,
    Aia ilaila ka anoi,
    Aia ilaila ka pilina,
    Me ka ua lokuhala o Puna,

Kuu ipo lilinoe ke aloha,
Kilipobe ula wena i ka lai,
Lamalama hau ili o ke koa,
Pua-ehu i ka noa halii.

I lohia Waianu i ka nani,
I lohia Hiilawe i ka olu,
Mikioi ka apona a kahi manu,
Inu wai anuhea Olaa.

Kaua i ka nani o Hilo,
I ka ulu lehua i Olaa,
I ka wai lana malie i Hauola,
E ola o Kauonalani.

Wm. P. Leleiohoku.
BUKE MELE HOONANE.A.

WAHINE HELE LA O KAIONA.

Honi ana i ke anu i ka mea huihui,
Hui hewa e ka ili i ka ua poai hala,
Lei ana i ka Mokihana i ka wewehi o Kaiona,
Lihaun pue i ke anu hauo-ki o Kapeleponi.

HUI:

E o e ka wahine hele la o Kaiona,
Alualu Wailiula o ke kaha pua ohai,
O ka ua lani polua po anu o ke Koolau,
Kuu hoa o ka malu kiu, malu kukui o ka Hoiwai.

Hiaai ka welina ka nenee a ka Ohelo-papa,
Pu-apu-a i ka noe mohaha i ke anu,
Noho no me ka anoi-ka manao ia loko,
Oloko hana nui pau ole i ke ana ia.

A ka waelele o Niakala ike i ka wai anuvenue,
I ka poaiai a ka ohu halii paa ilaila,
Pue ana i ka ehu wai pupuu i ke koekoe,
Eia iho ka mehana o ka poli o Hiilei.

WM. P. LELEIOHOKU.

KA PUA KAKOILI.

Ka pua Kakoili lani manuia,
O manuia kalani maka puehuawa,
He uwahi makaweo ia no Lihue,
O na puu nanahu mahikihoao,
O ke aka ka lani o Hikiau,
O ka i’a kapu o Kuhihewa,

HUI:—O keia hewa e lilo ia ha’i,
Kaa aku i ke kanaka e maha au,
Hoi hou oe i ke ehu me he mo-i la,
Ua ike—a, Ua ike—a.

Ike ia Kaukini he lawii manu,
He upena kuu i ka noe kopokahi,
Ua hoopuni i ka ohu kahakikepa,
Ke na'i la i ka luna o ka auwana,
O kauwahi i ke ka peku e hei ai,
O ka i'a manu o puoa lii,

**Hui:**—O ke 'li wale no ka' u makemake,
  O ka luhi o maua me ia nei,
  O ko makou lealea no ia,
  Ua ike—a, Ua ike—a.

Lea ka wa ana a ka ua i Mahiki,
Ke lualai ana i puu o Moeaua,
He ha na ua like me ka puu kolea,
Ua pahee lakou ala i ka kawelowelo,
Oia ka wawa i ka wili wahine,
I ke alanui wai o Kahuenaha.

**Hui:**—A naha ke kanaka ka hale,
  Ka hale a ke aloha,
  Ka makamaka o ka moe e kipa mai ai,
  Ua ike—a, Ua ike—a.

**HOLUIKA WAI.**

Eia'la, eia'la ho'olalao,
Hoonannahuki i ka hukiku ae,
E lawe e lei a hoohieie,
I ka poni a Holuikawai.

**Hui:**—Toss your elbows now Hoku boys,
  Comrades toss the elbow,
  Imua e o' u mau hoa pokii,
  Then comrades toss the elbows.

E waiho malie iho oe i kana,
Mai apakau ae oe ilaila,
Ua lai kena ua ane fly wheel,
I ka poni a Holuikawai.

E noho malie iho no oe,
O kou kulana paa iho no ia,
Ua lawa no oe i ka you eva iki,
I ka poni a Holuikawai.

*Wm. P. LELEIOHOKU.*
HE INOA NO KEELIKOLANI.

Eia ke kuko ka halia i ka manawa,
He hiamoe ko’u hoala ana oe,
O oe o ka Lauae kukila i ka lai,
Ke hoe manue-a ala i ke kuahiwi.

HUI:—Kau mea hoinaina-u loa iho la no ka ia,
   O ka lawelawe malie wale ia aku no,
Pau hewa e ka waimaka a o i eha,
   Homai—eia—hoi.

Nohenohea nohea i kanahele,
Pa’e mai ana ka leo o ka hikihihi,
Hiki ka ma-pu hoe i ke ku Amaunakane,
I ka pua i ke kolokiu pu-a a kahi manu,

Makemake wale aku no au i kanahele,
Hiai wale aku no i ka lehua Makanoce,
Lihaliha e ka wai mapunahae a ka manu,
E walea ai ia kini i ke kiko pua.

WM. P. LELEIOHOKU.

HE LEI NO LILIU.

He lei la no kuu Lani,
He wehi nou e,
Hoohie e ka Lani la,
Ko lei aloha e,
Hooheno e kuu Lani e,
Kuu milimili e,
E kii e, e lei la,
E Liliulani e.

HUI:—||:Kuu lei, kuu pua,
Kuu lei kau i ka wekiu:||

Aia ko lei e ka Lani la,
I Paoakalani e,
Tuberose onaona i ko poli,
Ko lei ia e kuu Lani,
Kui ia haku ia ko ohu la,
Ko lei aloha no,
E kii e, e lei la,
E Liliulani e.

Nuanua oe e ka Lani la,
E ka pua i ka wekiu,
Eia ko wehi la lei ia,
Eia ko ohu e,
Hopii ia ke ala o ko lei,
Ke onaona o na pua,
E kii e, e lei la,
E Liliulani e.

S. Kapu.

HE INOA NO KAIULANI.

I aloha ia uka iuiu,
I ka na noenoe o na pali,
He nahele i puia i ke ala,
I ka liko hou o ka awapuhi,

Hui:—Lipolipo ka wai ʻo Eleile,
Huahuai i ka noho a ʻka ohu,
I mehana i ka lau a ke aloha,
I ka pili, aoao ana iho.

No ka lau laʻi ke aloha,
No ka hoihoi lai a ka wai,
Aia e ke hoa e like ai,
O Like o ka wahine o ka malu.

Lalau na lima i ka lehua,
Kahiko i ke kineticia kini
I lei hoohic no ia kama
No ka liko hou o ka awapuhi.

Mrs. Lizzie Achuck.
HIILAWE.

Haaheo e ka wai pili ili,
I ka nihi lihi ae i ka pali,
Ani ana ka makani polinahe,
Pili pono ka iini ilaila,

Hui:—Inu i ka wai o Hiilawe,
   Me ka i'a miliopu i ka lima,
   I'a hana hala i ka pua,
||: Ua he ha Waipio i ka noe:||

Iwa punana wai o ka liko,
I ka hana mikiala a kahi manu,
Popohe a lauki wai o kanahēle,
Aniari i ka maka laulii:

Ua pa lihi mai ke ala;
O ke onaona pua Maihala,
E kala hoi ka mahui la,
I ka na e hanu ala o na pua.

KAMEALOHA.

KEHAULANI.

Nani wale no hoi Kehaulani,
Lahalaha i ke alo o Lukini,
Aohe mea nani ole olaila,
E wae ai a ka manaol.

Hui:—E pii, e pii ana aii,
   Iuka, iuka o Kehaulani,
   Ilaila, ilaila ka anoi,
   Ke koii koii a ke aloha.

Nana a pau ko makemake,
Na pua kau i ka wekiu,
Na lau wehiwehi o Inia,
Vabine lau onaona o ka uka.

Ke honi aku oe i ka moani,
Hana loku loko i ka iini,
Piihia i ke ala nohea,
Ua ma'u i ke kehau kakahiaka.
BUKE MELE HOONANE'A.

MOANI KE ALA.

Auhea la o moani ke ala,
Hoapili o mi nei,
A heaha kau hana e paweo nei,
E ka makani Puulena.

HUI:—Kuhi au a he pono keia,
   Au e apaapa mai nei,
   E wiki mai oe i pono kaua,
   I olu hoi au e ke hoa.

   Hoohihi aku au e ike la,
   La wai mapunapuna,
   Rain Tuahine pio anuenue,
   Oia uka iu-iu.

   Eia hoi au ua wchi,
   Ua lia i ke onaona,
   La wai ono a ka lehua,
   Wai mukiki a ka manu.

Wm. P. LELEIOHOKU.

AHI MANU OLLAA.

I ka uka holokia ahi manu Olaa,
I po i ka uahi a noe ka'anahele,
I nohenoheia i ka makani lihau pua,
A he pua oni ke kanaka he mea laha ole,

HUI:—Owau mai kau e hea mai-e,
   E hea i ke kanaka e'komo maloko,
   A e hanai ai a hewa ae ka waha,
   Eia no ka uku la o ka leo,

   Ani peahi na lima o Hualalai,
   Ke kahoaka i Mailehael,
   Iho no e ka hau kiliopu i kai o Kona,
   Iho no i ke kula pili o Moeuloa.

   He alaniakea ke kai o Kailua e,
   Aole au elua he hookahi no,
   I ka i ana mai la i ke ola,
   O ke ola mau loa aku no-e.

Figs.
NA'INI WAPIO:

Nani Wapio kahela i ka lai,
Nohea i ka ohu kakikepa;
Kualono iuu hu'a a ka palai;
Lipo i ka wai koiawe.

HUI:—Ua luhea, ua lupea ia lipo i ke ala;
Luhiehu i ka wai kau a ka opua;
Pe upe i ka wai a ka Naulu;
Kulukulu wai lehua.

Ilaila kuu upu ku'u lia ana;
Wailele wai'anuhea o Wapio,
Ua lalawe a ninibi poahi ka wilina,
A ka mikioi ili lahilahi.

Kohia e ke anu no'e na kuahiwi,
Lohi mai ka lawena a ke Kalukalu,
Ho-ibo kaua a eloelo e ke hoa,
Oiai ka pilina ua lai.

WM. P. LELEIOHOKU.

KONI AU LA I KA WAI.

Hoohihi kahi mana'o,
I ka chukai o Puaena,
Kai hawanawana i ka lai la,
I ka lai wale o Waialua.

HUI:—Koni e, koni au i ka wai,
   Koni au i ka wai huihui,
   I ka wai ali o ke kini la,
   Olu ai ka noho'na o ka lai.

Alia oe e ka chukai,
E lelehune nei i ke one,
One hanau o ke kupuna la,
Puili laulii o ka uka.

Akahi hoi au la ike,
Ina lai elua,
Elua mana i ka lai la,
Wai kapipi i ka pali.

FIGGS.
BUKE MELE HOONANEĀ.

LAU VABINE.

Auhea la o Vabine,
Lau onanoa a ka uka,
A’u i kui a lawa,
I lei no ka manao.

HUI:—Ua kuhi au a he pono,
Kaulili noho kakahakai,
I ke kuhikuhi puu one,
Aole au ilaila.

Pau ole ko’u hoohihi,
Ia kuini manu hoohie,
Kahuli leo nahenahe,
Pili lau-i o ka uka.

Ehia mea lia mau,
A loko e hana nei,
O kuu pua pišiliana,
Aia i ka waokelé.

I anoi au e ike,
I ka hau kololio i ke kula,
Kahi manu ahailono,
Na huna wai ohelo.

D. ELDRIDGE:

KE AHE LAU MAKANÌ.

Lamalama ke kino o ka palai.
I ka lihau a ka ua noe o uka,
Maemae ka liko o ka lehua,
I ka noua e ke ala lau vabine.

HUI:—O oe no ka ia,
E ke hoa o ke aheahe lau makani,
He makani na ka Moae,
Halihali aia o kanahele.
Nani Lihue po i ka ua,
Noho ia uka i ke onaona,
Halia wale mai ana no,
Ka makani lawe kehau o Panaewa.

Nani ka luna o Kaala,
Ka waiho kahelahela i ka olu,
O ka noho a ka opua i ka lai,
A ka manu inu wai lehua o Kaana.

KE KAUPU.

Ia maua i hoolai iho ai,
Kaha ana ke kaupu i ka lai,
Haila ke aloha haanipo,
Haalipo i ka poli pumehana.

HUI:—Ina pela kau hana,
Pakela oi aku ka pipii,
I kau hana olu noeau,
Kohu like me Waialeale.

Kuhi au ua like me ia nei,
Ka lalawe niniihi launa ole,
Akahì a ike i ka noe,
Ua loha i ka wai hoolana.

O ka hana nipo kau e ke anu,
Ua maewa poniponi i ka noe,
Poahiahi wale ka ikena,
Ke koni iho koni aku koni ae.

WM. P. LELEIOHOKU.
BUKE MELE HOONANEA.

HOME BUAKOOLAU.

He nani kanabele la,
Hooalau kanaka i na manu,
E ake no au e hoii la,
Kuu home Puakoolau.

HUI:—Kuu home Puakoolau,
Alo ho'okahi o ka uka,
Kuu home Puakoolau,
Home hoolono i na manu.

Ua noho mehameha no wau,
Mawaena o na pua,
Ho'okahi hana nui a loko la,
Ka anoi ia ia 'la e pili.

A huli ae au hoolono la,
O ka nehe o ka lau laau,
Kuhi au he makani hoolua la,
Ka hiolo a ka liko lehua.

JAS. KAHIKI.

KOKOHI.

E ka wai mapunapuna la,
E lana malie nei i ka lai,
Lipolipo launa ole la,
Kau wahi ale ole iho.

HUI:—Kokohi—ehehe, i ka ono—ehehe,
Unahe i ka poli ka wai oloha,
Pahee—ehehe, ka momoni—ehehe,
A he olu ka iho'na iho.

Lei ana Hiku i ka noa la,
Hoohihi lihau i ka lipo la,
Anehe oia la e inu la,
Ka wawai ula iliahi.

Ia oe ka uhene e ka wai,
Ka nenee liili i ke kulu aumoe,
Hoolai Kauaula la,
Kalele nuu i ka palai.

LILIU.
BUKE MELE HOONANEA.

LILII MOKIHANA.

E maliu mai oe ke aloha,
E lilii Mokihana i ka nuu,
E hea e kipa ka anoi,
Ma ia pohai anuhea.

Hui:—Lia au i ka lai pohi'a,
   Ilibia i ka wai mapuna,
   Ka waiho kahela i ka lai,
   Poniu ailana ka manao.

   Kuu ipo i ke kai uwalu ili,
   Ua lupea i ka ua lihau,
   A luhe lai i Malamanui,
   I ka wiliokai a ka ua,
   Hau anu ka iliki ana iho,
   Kaomi i manu'a kaluhea,
   Kikoo ka momoni i mau-u,
   Leha iki Maluaka i ka noe.

Wm. P. Leleiohoku.

POLI PUMEHANA

Lia wau i ka moe,
Hoolono i ka leo,
Leo hone o ke Kahuli,
Hone lua i ka poli.

Hui:—Poli pumehana,
   Moe lolii o ka po,
   Sweet ke hanu iho,
   I ke kulukulu aumo'e.

   Moe au a huli ae,
   Honi ana i ke ala,
   He ala kupaoa,
   Hanu aala i ka poli.

   E ake au e ike,
   I ke kumu o ke ala,
   I olu pono iho hoi,
   Ka mo-ena o kanahēle.

JAS. KAHIKI.
HE INOA NO LILIUOKALANI.

Anhea wale oe e ke Kahuli,
E ka leo nahenahe o ke kuahiwi,
A like a like sa hoene ana,
Sa uheuhene i Kawaiolohia.

Hui:—||: E o e Kalani i kou inoa,
O Liliu o Lolokulani i ka maka:||
A he mapuna hoe ka'u i ike,
I ka halale a ke kai mahope,
Pinaia pinai ana e ka ua,
Hoolalahu ana i ka laau.

LEPEKA.

WAILUA ALO LAHILAHI.

Anoai wale kahikina mai,
Ka ikena i ke anu o Wailua,
Elua maua me ka halia,
I ka piko waiolu o Kemamo.

Hui:—Nani wale Lihue i ka lai,
I ka noe a ka ua Paupili,
O ke ahe mai a ka makani,
A ka malualua kii wai o Lehua.

Hoona ae ana i ke aloha,
Pehea la ia e pau ai,
Aole hoi na e hihi,
Ua olu nahe olu i ka noe.

Hiipoia iho ke aloha.
I mehana ia po anuanu,
Mili ia i ka la o ka makemake,
I ka la ka aanoi i hiki mai ai.

Wm. P. LELIOHOKU me MRS KAMAKAU.
LOKOINÓ MAOLI OE E KE HOA.

Lokoino maoli oe e ke hoa,
Ko lilo paha i ka ulaia,
Aloha ole iho i nei kupueu,
E au hele nei i ka moana.

Hui:—Kai no a owau wale no kai ike,
    I ka latitu oia aupuni,
    Eia ka he nui loa a he lehulehu,
    Na pailaka oia awa.

E kuhi ana paha oe a e nalo ana,
Kau hana hoehaeha naau,
I ka nalo ana ae o kuu maka,
Lawa pono iho ai ko makemake.

Aia imua kuu nui kino,
Aia i hope kuu hoolina,
I anei hoi au eha ka manao,
I ka lohe ana mai ua heo oe.

H. S.

KILAUEA.

Nani ka huila o Kilauea,
I ka lawe malie i ka lai,
Kowali lua la a hoolailai,
Kapalili i ka ili o ke kai.

Hui:—O ka' u wili pono ana iho la no ka ia,
    I ka puuwai kapalili hoi,
    O ka' u hana pono ana iho la no ka ia,
    I ka puuwai kapalili hoi.

Nani wale hoi ka noho'na ana iho,
E walea iki me Hanakahi,
Puiwa au la hikilele i ka leo,
Ina ua wali kanahele.

Figgs.
BUKE MELE HOONANE'A.

SWEET LEI LEHUA.

Be still my puuwai,  
E nae iki nei,  
Hanu malie nahenahe,  
Sweet lei lehua.

Hui:—Be true to me fair one,  
Be true to me I trow,  
Give me the hand I won,  
Sweet lei lehua.

Ever fresh my memory,  
I dream of you my sweet,  
At morn and sun set rays,  
Sweet lei lehua.  

Figgs.

IA OE KA NANI PUA ROSE.

Ia oe e ka nani pua rose,  
I hoope ia e ke onaona,  
I luluu i ka wai anuhea,  
Kiss pua he ma-u ia.

Hui:—Auhea wale ana oe,  
E Princess lai o na pua,  
Kuu bloom rose nani mae ole,  
E hoi no la e pili.

I walea au i ke onaona,  
Me Lilinoe i ke kahakai,  
Kahea mai ana la ke aloha,  
E hoi i ka poli o ke hoa.

He mea mau i ke kiai loko,  
Ka holoholo i ka makaha,  
O pau i ka aukuu ai i'a,  
Manu hapapa i ka ae loko.
BUKE MELE HOONANEA.

HE AI NA KALANI.

Ke ai nei o Kalani,
Hamau oukou lakou nei ae,
Mai noho a pune ae,
Ua kapu e ka aba i ke 'lii.

HUI:—Ai—e, ai—la.

Ke ai nei o Kalani,
I ka owene i ke kalo mana,
Lawea mai e ka ipo Lauae,
O ka uka iuiu o Lanihuli.

Ke ai nei o Kalani,
I ka poi ai lehua,
Hoowali ia e ka ipo hinano,
Maikal he pahee ke moni la.

Ke ai nei o Kalani,
I ka Opae mahikihiki,
Kiina ia Fancy laulii,
O ka ua Tuahine o Manoa.

Ke ai nei o Kalani,
I ka i’a a he-auku,
Hii ia mai e ka ipo aukai
Auau ehukai o ka moana.

LIHI KAI O OHELE.

He haupu aloha i ka Hiona,
Ka haii halia i ka manao,
I manao no,au i kanahele,
I ka leo kaohi a ka ua.

HUI:—Ke naue ae nei e ike la,
I ke kai i lua i ke aloha,
A maua e alo ae nei,
Me kuu hoa i ka makani.
BUKE MELE HOONANEA.

A mai kaua e ke hoa luhi,
O ka Lale manu o Kaupea,
Eia ke ala la ia nei
No ka pua Kaioe i ke kula,

Anoai ke hea mai nei,
O ka ua lai o ka aina,
Ke nopu‘la no i ke one,
I ka lihi kai o Ohele.

Hele mai nei loko a nua,
A poluluhia luhi ka mana'o,
O oe no ka paha ia la,
A ke onaona e hea mai nei.

FIGGS.

KUU IPO NOHEA.

Auhea wale ana oe,
E nohenohea i ka wao,
O ka oi oe o ka nani,
Helu ekahi a ka mana'o.

HUI:—Kuu ipo nohea,
Naue-naue mai ianei
Kuu ipo aloha,
Neenee mai a pili.

O oe ka anohi da'imana,
I anapa i ke awakea,
O ka'u lia mau ia,
No kuu lei mae ole.

Malama pono ia iho,
Ke aloha o kaua,
He ukana luuluu ia,
Au e hiipoai.

LILIU.
Buke Mele Hoonanea.

Adios Kē Aloha.

E kuʻu Belle o ka po lailai,
Ka lawe malie a ka mahina,
Ko aniani mai nei e ke ahe,
Ahea oe hoolono mai.

Hui:—Ahea, ahea, oe hoolono mai;
    I nei leo naheanhe,
    Adios, adios ke aloha,

E ka hauoli iniki puuwai,
E ke aloha e maliu mai oe;
Ke hoolale mai nei e ke Kiu;
Ua anu ka wao i ka ua,

Hookahi kiss dew drop he ma-u ia;
E ka Belle o ka noe lihau,
Eia au la e ke aloha,
Ke huli hoi nei me ka neo.

He Wahī Kilihau Anu.

Oi ole anu wale ai no,
I ka ua pee poli i kanahaʻele,
I ka miki koiawe a ka hau,
Kikikoele i ke kula.

Hui:—Kiliopu mai nei e ke anu,
    Kili-kili hau i kuu poli,
    Konini kalaʻihī ka opua,
    I ke kuwai ia e ke Kiowao.

E iniki aku wau ia oe,
E ke hoa lai pukui anu,
I koni iho aʻhoʻomau,
A hai e malule i ke anu,
AUHEA OE E ILIKIPAU,
INA IHO KAU HOONI WAIANUHEA,
UA HELE MAI NEI A NIUA,
KA MOENA I KA POLI O MALIU.

PEHEA LA E PAU AI KEIA ANU,
E KOKONI LOKU NEI IA LOKO,
O LOKO HANA NUI HOEKEPUE,
PUPUU ANU O WAIOMAO.

WM. P. LELEIOHOKU

LILII LEHUA I MAÑA.

A HE HALE KIPA NO'U KE ALOHA,
A HE MAKAMAKA NO KA MALIHINI;
A O KO'U KULEANA NO IA,
A'U I NOHO AI A KUPA.

HUI:—Lilii lehua i Mana,
    WEHI AI NA MANU ILAILA,
    A IKE I KA ONO OIA PUA,
    E MAHIE LUNA OI ALA.

NA'U I KANAENAE AKU,
NA HENE OIA KUAHIWI,
LOHE AI KA LUNA I MAUONI,
HAUOLI KE ALA ILIAHI.

A I HEWĀ NO I KAHI MANU,
I KA LAWE LAU OLELO,
LOHE AKU NEI HIIAKA,
KA WAHINE I KA POLI O PELE.

ELIA.
PILI AOAO.

O ka ponaha ihô a ke ao,
Ka pipo malie maluna,
Ike oe i ka hana nikiala,
Nowelo i ka pili aoao.

HUI:—Maikai ke aloha ʻo ka ipo,
Hana mao ole i ka puuwai,
Houhou liiilii i ka poli,
Nowelo i ka pili aoao.

Amau ka pilina o lu pono,
Huli ae hooheho malie,
Hunu liiilii nahenahe,
Nowelo i ka pili aoao.

Polinahe ka wiina a ka ua,
Waipuna i ke alo o Hiilawe,
A kena ia wai huihui,
Nowelo i ka pili aoao.

JOHN MEHA.

IPO LAUAE.

Auhea wale oe e ka ipo lauae la e,
Kuu hoa haihai olelo,
Papa leo pu kaua la e,
A o koʻu time pono keia.

HUI:—E kuu ipo kuu aloha la e,
A o kou chance pono keia,
Kiss me my Darling hoomau iho la e,
A eia kaua i ka pili o ke ao.

Ko leo nahenahe kaʻu aloha la e,
I ka pane ana mai iaʻu nei,
Ho ae kaua i ka ʻuka waokele la e,
E huai pau ai na aia ka ui.

Auhea wale oe kuu aloha la e,
A e lohiho apo mai nei,
A e wiki mai oe e apo nei la e,
O loa kaua i ka Makai Kiu,

W. A. KīHA.
PELA KAPU O KAKAE.

E ka ua Kanilehua,
Kui ia na lehua o Panaewa,
Na ka Puulena e lawe mai;
I wehi, i ohu no Kalani,

Hui:—E ka pela kapu o Kakae;
Kui ia mai na pua,
Na ke Kiliōopu i lawe mai,
I wehi, i ohu no Kalani.

E ka ua Apuakea,
Kui ia mai na ahihi,
Na ka Malanai e lawe mai,
I wehi, i ohu no Kalani.

E ka ua loku o Hanalei,
Kui ia mai na Mokihana,
Na ka Lupua e lawe mai.
I wehi, i ohu no Kalani.

KAWAIHAU GLEE CLUB:

HOLE WAIMEA.

Hole Waimea i ka ihe a ka makani;
Hao mai na ale a ke Kipuupuu,
He laau kalaihi na ke anu,
Oo i ka nahele o Mahiki,

Hui:—Ku iho i ka pahu ku a ka awaawa;
Hanane ke kikala o ko Hilo kini,
Hoi luuluu i ke one o Hanakahi,
I ka' pololoua wahine o ka lua.

Ku aku la i ka mala a ke Kipuupuu,
Holu e ka maka o ke Koauli,
Niniau eha e ka pua o Koale,
Ua eha e kanahele o Waika.

Hoe Puna i ka waa palolo a ka ino,
Hocheno i na hala o Kookoolau,
Ua eha i ka makili'a e ka Ulumano,
Hala ae ka maka ihe a ke A'e.

KAWAIHAU GLEE CLUB.
BUKE 'MELE HOONANEA.

LAAU HOOULU I KE KINO.

E ke aloha e maliu mai,
Oiai ke aloha i ke kino,
Ua kui a paa ka lei,
I wehi hoooheno no Kalani.

HUI:—Auhea wale oe e ke aloha,
Laau hooulu i ke kino,
Haila kaua e pilia ia,
I ka olu o Wailana.
Ua lana loko i ka makemake,
I ka nani o Mailehahei,
I uhene i ka poli o Malio,
I ka ne maluaka a ka wai.
Ua la'i no au me Hiku,
Me ka eueu o ke kualono,
I walea i ke kui ohelo,
Ai ono a na manu.

KAWAIHAU GLEE CLUB

ULUHUA.

Aia i ka wekiu la,
Kuu lei lehua puakea,
Maholehole lua i ka lai la,
I ka luna kapu o Hanakaahi.

HUI:—Uluhua, uluhua wale la,
I ka ua kani lehua,
I ka loku hala ole i ka pua la,
Ke pu-ā mai la i ka iu.
A he kiu ka lama na ke kukui la,
Nolu ana i ka wai halii la,
Uluku ae nei hoi loko la,
Aneane hakukoi i ka lihi.

Auhea oe e Kapuulena la,
E maliu i ka nani o Panaewa,
Ua hele a nohea i ka wao la,
Lamalama i ke oho o ka palai.
A mai kaua e ke aloha,
E ka iwa kui pua o uka'
Noho ana i ka malu a ke ao,
I ka olu kukui wehiwehi.

**Hui:**—Kaua i ka oni a ka moku,
Ka pipii a ke ana wai mahu,
Ka paona kanalima ka heluna,
Pau mai ka palena iliwai.

Ka owe nenehe a ka wai,
Hene ana i ka piko o lalo,
Kahiko i ka hale a ka noe,
Ka uhene a ka wai i ka ili,

Heaha la ia i ka uhene,
I ka nawe malie i ko piko,
Inu aku ilaila eloelo,
Kahela i ka hana a ka noe

---

**KUU LEI MOKIHANA.**

He aloha kuu lei Mokihana,
I popohe i ka uka waokele,
Anuhea ke ala o ka Lauae,
Moani i na pali o Haupu.

**Hui:**—Kuhi au o kuu ipo la'
Ke ala hoene i ka poli,
Eia ka o ka hau kolonahe,
O ka po mahina laiwal
g

Upu mai nei ka manao,
E ike i ka wai o Kemamo,
He manao paa ko'ou ia iala,
No ka Iwa kiani o ke Kaona.
Buke Mele Hoonanea.

Mai noho oe a lou iki,
Eia ianei o iala,
E ike auanei oe,
I ka hana a keia eu.

Ua lai ka makani Puulena,
Me ke Kiu inuawai o Lehua,
E lua maua i ka pilina,
I ka hale wehi a ke aloha.

Maryann. Bush.

Ka Inuawai.

Maikai ka makani o Kohala,
Ike ia e ka Inuawai,
O ka wai no ia pono kaua,
Wai kaulana o ka aina.

Hui:—Ko aloha, ko aloha ka'u mea nui,
He makana, he makana na ka puuawai.

Nani wale Niulii kahela i ka lai,
Ekolu opua i hiki mai,
Alai ia mai e ka ulu hala,
Nalowale ka luna o Hapuu.

Haahoe ka hau i ka mauna,
Kahiko i ka ohu o kanahele,
Ke kaohi mai nei Lilinoe,
I ka ohu noe i ke kuahiwi.

Ne hone ka leo o ka wai,
Hone ana i ka iwa,
Kuu iwa kuu lei kahiko ia,
Na pua lehua o Awini.

Wm. Sheldon.
HE INOA NO KA LEI O HAWAII,

E ke aheahe lau makani,
O ka ua Kanialehua,
E hai mai oe e ke aloha,
No ka wehiwehi o Hilo Bay.

Hui:—Kuu aloha e, kuu aloha e,
O ka po anuanu o ke Kaona,
Me oe ka anoi ka halia pu,
O neia puuwai kapalili.

Hookahi no a'u mea nui,
O ko leo la e ke aloha,
A pane mai oe olu iho au,
I mehana pu nei po anuanu.

KAPILI.

MAEMAE LIHAU.

Maemae Lihau po i ka lehua,
Kupu kelakela i ke alo o malama,
Me he lama la ko aloha e ka ipo,
Ke hiki mai hiki mai.

Hui:—Aia a hiki mai ka halia io'u nei,
Me he uwila la i ka maka o ka opua,
Ua puia e ka liko pua o ka hinano,
Ke hiki mai hiki mai.

Hiki mai ana he kamahele alo anu,
I lawea mai e ke ala Lauae,
Ua hele a puia i ke onaona,
I ka nou-a e ke kehau.

Hiai hewa ana au ia iala,
Laahia nei kino i ko leo,
I lei i home no'u ko aloha,
Kuleana ai kaua,

MRS. EMA KAPENA.
BUKE MELE HOONANEA.

MANU KAPALULU.

Noho nani iluna ke ao opua,
Noho ihi kapu i Kilohana,
Haiamu iho la ka lehua,
I na manu.

HUI:—Kulikuli au ia oe manu kapalulu,
    Hana wale mai nei ia'u,
    Heaha hoi oe i ko'u manao,
    Ae no hoi.

Ölelo ana oe i ko hai kee,
Eia iho me oe,
Na aumakua pee i ka poli,
Ao luau ia.

NIOLOPUA.

Nani wale ka noho'na o Niolopua,
O ka home o na manu i ka iuiu,
O ka wai o Iauwai ka'u aloha,
I ka hu mawaho o ka palena.

HUI:—E o mai oe i ko'ou inoa,
    E ka awa lau lena o ka mauna,
    Hookahi hoi oe eha makou,
    I lima i ka Mamo hulu laha ole.

Kulikuli wale au i ka manu,
Kahi Elepaio o Honolii,
Liilii hoi oe i ko'u manao,
Na hulu elua i ka puapua.
NA MOLOKAMA.

Aloha au o ka laula o Kapaa ea,
Ke akea maikai o ka Ipuhaa ea,
Koha ka leo o Kawaikini ua lai ea,
Ka wawalo i ka ohu noe na mauna ea.

HUI:—Uina ka wai o na Molokama ea,
Kama ia ke aloha paa iloko ea,
Huna ia iho no he mea hilahila ea,
Mai hai oe o lohe auanei ea.

Kikoo ka puu momoni i ka makemake ea,
Makemake no au e lawe na' u ea,
Aloha kealia o kalo Makaopii ea,
O ka pipii aku no ia i kahi kapu ea.

POHAI NA IWA.

Pohai na Iwa o ke kai,
I ka we lo a ka hae Kalaunu,
Haahoe ka welona i ka makani,
Na ale nupanupa o Lehua.

HUI:—A heaha ka hana ka opua,
Kahiko mai la i ka ilikai,
Hooipo ana paha me Kaula,
Me ka olali Kuhaimoana.

Ua ike ike one o Nonopapa,
Ua inu i ka wai o Puuwai,
Ua lihi lou paha ka manao,
Na Ulu hua i ka hapapa.

Ike-maka i ke kai holuholu,
Na ale o kai Okia,
He makana ka Liliuonamoku,
I kapoli o Palepalemoana.

MRS. WILSON me D. LAIKA.
WAIANUENUE.

Nani Waianuenue,  
Kilihune mai la iuka,  
Ia wai makaikai,  
A Poomaikelani.

HUI:—Lei aloha lei lehua lipo i ka wao,  
Onaona oia uka anuhea i ke ala,  
He na-pu ala huihui hoala hiamoe,  
E iniki mai ana ia’u ina kaua e ke hoa.

Nani Lanikealani Hale,  
Wehi i ka Lehua,  
Ulu wehiwehi i na pua,  
Onaona oia home.

Hanohano Kilohana i ka uka,  
Wehi i ka lehua,  
I lei kahiko ia,  
No Poomaikelani.

POOMAIKELANI.

SWEET VIOLET.

Auhea la o Anoi hoapili o moonlight,  
Hoa alo ehuehu o ka po mahina lai,  
Ua lai ka helena aohe auau kai,  
Ua maa i ka uli ke steer pololei.

HUI:—Hoohihi ka manaio ia sweet violet,  
Pua ala huihui o ke ano ahiahi,  
Ahi wela ke aloha e lalawe nei i kuu kino,  
Kuu kino ke alo nei i ke aloha o kaua.

Ua lai no hoi oe e ka ua Lanipili,  
Pili ia e maua ka ua me ke koekoe,  
I mehana hoi au i ko leo e ke hoa,  
Kuu hoa o ka anoi o ke kuluauumoe.
AHOA OE.

Haaheo e ka ua i na pali,
Ke nihi ae la i kanahaele,
E uhai ana paha i ka liko,
Pua ahili lei o uka.

HUI:—Aloha oe aloha oe,
E ke onaona noho i ka lipo,
I fond embrace a hoi ae au,
Until we meet again.

Ka halia ko aloha kai hiki mai,
Ke hone ae nei i kuu manawa,
O oe no ka’u ipo aloha,
A loko e hana nei.

Maopopo kuu ike i ka nani,
Na pua rose o Maunawili,
Ilaila hoohie na manu,
Mikiala i ka nani oia pua.

LILIU.

NUA O KA PALAI.

Kau ano mai ana ia’u la,
Na kulu paka ua eloelo la,
Elo oe elo au i ke anu la,
Pulupe pa’u i ke anu,

HUI:—Aia i ka nua ka palai la,
Ka wewe hi wai olu a loko la,
Halialia mai ana la,
Ia’u puuwai kapalili.

Ka-o Hanalei i ke anu la,
Hanupanupa i ke koekoe la,
Koekoe au ia oe la,
E ka pua kuu pua i ka iu,

Halanalana i kuu maka la,
Na kipona wai anuhea la,
I nohe nohe a i ka lai la,
Mino olu i ka lau Aalii.

WM. P. LELEIOHOKU.
HOONAONA KANAAHELE.

Eia au la e ka noe,
Kahakoi wai a ka neki,
Ua hana makaha ia,
I ka luna o Waialaeale,

HUI:-HOonaona ana kanahele,
Hoomahie-lua i ka lehua,
Ua hana kihene ia e ka liko,
E ka maka-hawai a ka ua,

Eia iho hoi ka pilina,
I ke ala o ka Waikini,
I ka milikaa ia e ka olu;
I ka hene wai a ka ua.

Hoomahie au i ka le'e,
I ka hookani ia e ka manu,
E ka manu puapua eueu,
Pa lihi pa Eheu.

Kahiko nani o Alakai;
I ke kapa ua a ka noe,
E walea ia e ke onaona,
I ka piwai Mokihana.

Fidga:

PESEKI.

Akahi hoi au a pili,
I ka poli pumehana o'la a,
Aniami i ke kau o ka lia,
I ka po mahnah lailai,

HUI:-Akahi po anu e ke hoa,
Ke ko mai nei e ka hau,
Ua lai ka nanea ana iho,
Kai pilina i ke kulu aumoe.

Akahi hoi au a li'a,
I ka nani oia kualono,
Anehila i ke Kulaokahua,
I ka po mahina lailai.
Buke Mele Hoananea!

Peseki ke aloha o ke kau,
E liula mai oe e i ala,
E anehila Puakomela kaua,
Peseki e ka enamanu o ke ehukai.

Aka hi hoi au a lai,
Kahiki'na mai a ke aloha,
Elua mua i ke kaunu,
I ka wai koia we i na pali.

Kapili.

Mahina Malamalama.

No ka liko ahiihi ke aloha,
Ke ala kolonahe i ka poli,
O ka'u mea a e li'a nei,
E kui me ka'u manai.

Hui:—Ka'u ia e li'a nei,
Mahina Malamalama,
Ke ike aku oe i ka hiona,
A he nani kaili puuwai.

Mea ole ke anu i ka mano,
Ka iniki weia i ka puuwai,
Me he la e i mai ana,
E hoi mua e pili.

A he kula loa iho ia,
E noke ai oe akena,
A lawa pono ko makemake,
Ka nenee a ka lau naenae.

John, Meha.
KE ALOHA HOOHENO.

Auhea wale oe e ka ipo pee poli,
I popohe i ke ano wai-liula,
A he lei mamo oe no ke ano ahiahi,
E uhene ai me li’a i ka uka,

Hui:—Hooheho mai ana ke aloha ia’u,
    Me he kui houhou’ala i kuu poli,
    He hali a mau ia no ka midnight,
    No ka po huhihi kehau anu.

Ha mau kaua la e ke hoa,
Oiai eia i ka nuku wai,
Waiwai paa ka manao ia oe,
I ka nihi mai i ka welelau pali.

Me oe aku hoi ka anoi pau ole,
A nei puuwai e oni nei,
Mai hoohala oe i ka ike lihi mai,
Pulu pe ai i ka ua noe.

JOE HELELUHE me JOE AEA.

LEHUA I HOPOE.

Hooipo mau no ke aloha,
Me ka ua tilihune o uka,
Noenoe mai ana ke aloha,
I ka lehua neenee i Hopoe.

Hui:—E lilii lehua i Hopoe,
    E popohe mai la i ke pili,
    E pili ke aloha me oe,
    Me ka ua tilihune o uka.

Hooipo mau no ke aloha,
I,ka pua aala o ke Aalii,
Lolii ke aloha i kuu kino,
Me ka ua tilihune o uka.
Nawai e ole ke aloha,
Ua pulu maua ʻilaila,
Loku ana i ka puuuali,
Me ka ua tilihune ʻo uka.

He aloha ka lehua i Hopoe,
E hone mai nei i ke kula,
E hoi maua e pili,
Me ka ua tilihune ʻo uka.

J. Nawahi:

KA OWE A KE KAI.

Kā ʻowe nenehe a ke kai,
Hone ana i ka piko waiolu,
Ilaila wau la ike,
Kiliopu maua i kanahele.

Hui:—Ei ala e maliu mai,
Eia ke aloha ia nei,
Hiki mai ana i ka po nei,
Kiliopu maua i kanahele.

Kuu ipo i ka hee pue-one,
Me ke kai nehe i ka iliiti,
Nipo aku ilaila ka manao,
Ua kiliopu maua i kanahele.

Hiki e mai ana ka makani,
Ua hala e aku e ka puulena,
Ua loose kou chance e ke hoa,
Ua kiliopu maua i kanahele.
LEI ALOHA.

Noenoe mai ana ke aloha,
O ka noe lehua o Puna,
Ilaila ka anoi ka halia,
I kuu ipo lei aloha.

Hui:—E lei aloha,
    Kuu lei aloha,
    Nau wau na’u oe,
    Nou keia ilihiia.

Nolupe ke ala o ka liko,
O kuu ipo pua hinano,
Kuu kama pua koolau,
Imi ia e ke aloha.

     Kilakila kulana oia kini,
     Kela i paia e ka nani,
     Oni no e kela iluna,
     E pili me kuu aloha.

     JESSIE KAAE.

UA HIKI NO ME A’U.

A heaha ka hana ka opua la,
Hoolai o ke ahiahi,
E i mai ana no ia’u la,
Ka iini pau ole a ka puuawai.

Hui:—Ua hiki no me a’u,
    Ke ala o ka vabine,
    E ake ana no e ike la,
    I ka nani o na pua.

Ua upu mai ka manao la,
Kuu hoa hooheno ahiahi,
A he ole ka malu ia mai,
Ua pulu i ka hunahuna.
WAIMANALO.

Ia‘u i halia ai i ka moe,
A kahelahela kuu kino,
Oni ana hooipo a hoohauoli,
Ka ninihi a ka Maluakele.

Hui:—Na ke aloha la i hanai mai,
     I kuu la pololi hoi,
     Na ka halia la i hooinu mai,
     I ka manawa ono wai hoi.

Ia‘u i hoolai ai i ka moe,
Hiki ana ka onohi i kuu maka,
E hapahapai ana la e lana ka manao,
E hui ka opua me ka la.

     O kuu ipo milo wai a ka la,
     O ka awa ili-lena a ka manu,
     Mai mauna oe i ka lihi-wai paa,
     Oi kului kuehau ka manao.

Ua lai kanahaile o Kalahiku la,
Kula kapule-hei a ka manu,
Hoohaiili mai ana o Alihiwai,
I poi-waikea na ka hau.

KE HONE AE NEI.

Luhi hewa nei kino,
Mamuli o ko leo,
A elua maua,
I kolui i ke ahe a ka makani.

Hui:—Ke hone ae nei,
     Hone i ke kumu o ka hala,
     A he hala ole ka ke aloha,
     O ka pulale ana mai.

     A he kiu ka makani,
     Hoohae ana i ka naulu,
     A he wai olu ia,
     No ka luna o Piiholo.

R. WAIALAEALE.
LIHI WAI O IAO.

Auhea wale ana oe,
Laua'e o ke koolau,
Lei mae ole a ke aloha,
I pilia me ka ua liiili.

HUI:—||: Pulu au i ka ua,
     I ka lihi wai o Iao:||

Hooahi aku ka manao,
Ia uka ku-kilakila,
I puia me ke onaona,
I ka lihiwai o Iao.

Hoolai na manu oia uka,
Hoonuanua i ka lehua,
Papahi lei rose oia wao,
I ka lihiwai o Iao.

Me ia green valley ka-anoi,
Ka maile lau liiili,
I pulu i ka ua tilihune,
I ka lihiwai o Iao.

JACOB FISHER.

KAPAHI BLOSSOM.

Kahiko ka nani i Kapahi,
Ka lehua ula wena i ka pali,
I mohala i ka welelau pali,
I ka luna iu o Makaleha.

HUI:—Itaila ku'u upu ku'u līa ana,
    Wailele waiatuhea o Waiehu,
    I ehu la ia i ka pilina a ke ala,
    A ka maoli ili lahilahi.

Lahilahi ke alo oia uka,
Kilakila i ka maka o ka opua,
Hookahi pua nani o ka lipo,
Ka onohi Waianaeue.
Nani wale ka luna o Kilohana,
Lamalama i ke oho o ka palai,
He moani aala Lauae,
Ka'u i honi ai a poponi.

Me oe ka anoi e pili ai,
E ka ipo lei Mokihana,
Ka'u hana mau no ia o ke aloha,
I hoa no ka iu anano.

ISAAC IAEA.

PUA ALANI.

Kuu pua Alani kuu ipo ia,
Kuu lei Pikake lei o ke aumoe,
Lei aku maua i ka pili o ke ao,
Hooheno ke aloha me he ipo ala.

HUI:—Ua pono no oe e ka inuwai,
   I ka lawe a holu i ka lau o ke pili,
   Komo pono aku la oe i ka ai a ka lua,
   I ke ala pii a ka opae.

Hiaai aku au a e ike,
Ke ala onaona a o pua ke kiele.
Ka moani huhihi i ka pili o ke ao,
Ka iniki walania me he ipo ala.

Ua pulu maua i ka ua kilihune,
I ka wai lihau aala o ke kini,
Poiu noii mikioi nowelo,
O ka apa a ka ua i kanahele,

Haaheo e ka maka o ka opua i ka lewa,
Ua kohu no e like me ka Iwipolena,
Ka nunu'a i ka liko pua o ka Ohelo,
I ke kaha a o Iloli.

JUNIOR MAIKEIKI.
BUKE MELE HOONANE'A.

UA KEA O HANA.

Alia oe e Haleakala,
E alai nei ia Kauiki,
He makani ino ae keia,
A he Ulumano no ke kai loa.

Hui:—Noenoe ua kea o Hana,
Hoapili o ka malualua,
Elua maua i ka piko,
I kolu i ke ala Lipoa.

A i hewa no i kahi ale iki,
I ka ahai hua Limukala,
Pa no kahea a Mokumano,
E hoi maua e pili.

Na'u oe i hookohu aku,
I kapena no ka Naukilo,
Ike ai i ka hana a Mokumano,
I ka ihu o ka waa Hawaii.

LANIHULI.

Uluwehi ka luna i Lanihuli,
Pulupe i ka nihi a ka ua,
A o oe a owau ilaila,
I ke onaona o kanahele.

Hui:—Pulupe nei ili i ke anu,
He anu mea ole i ka manao,
Kuu ike ia oe e ke aloha,
Hoi pono ka iini a loko.

Ilaila lia ka manao,
Pukui i ke anu a ka ua,
Kolonahe ae la i ka uka,
Me ka dew drops o kanahele.

E maliu mai oe e ke aloha,
Kuu dear love o ka po lai,
Buenos once more e ke hoa,
Ko'u time huli hoi keia.
E NIHI KA HELE.

E ka moana nui kai hohonu,
E lana malie kou mau ale,
E ka makani nui ikaika,
E pa ahe malie oe.

Hui:—E nihi e ka hele mai hoopa,
Mai pulale i ka ike a ka maka,
Hookahi no makamaka o ke aloha,
A hea mai o Kalani e kipa.

Ike ia Kaleponi he aina anu,
He hau hookuakea i ka Ili,
Lamalama i ka ili o ke kama,
Ka wahine i ka iu o luna.

E hele me ka poina ole,
E huli e ke alo i hope nei,
Eia ko lei Kalaunu,
O ka onohi o Hawaii.

HUI HEANANI.

MANU LAUWILI.

A he keu kahi manu lauwili la,
E hokai nei mamua,
E alai nei i ka noe la,
Hooneenee mai i ke kula.

Hui:—Kupilikii mai ka manao la,
Aia la ihea o Malio,
Aia paha oe i kanahele la,
I ka poli nahenahe o ka ipo.

Hoapaapa lua hoi oe la,
Hooluhiluhi i kuu nui kino,
I o hoi oe ianei la,
I ka nui manu o ka uka.

Ua ana aenei hoi au la,
I kau mau hooluaiele,
Pau au me oe e ke hoa la,
Ua osi hoi oo maanei.
SWEET MOONLIGHT.

Auhea wale oe e sweet moonlight,
E ke onaona e hea mai nei,
Eia hoi au ka maile laulii,
I moe i ke anu o uka,

Hui:—E kiss goodnight oh sweet moonlight,
Ke ua tilihune mai nei,
Hoolai na manu luhe me ka palai,
Hoope aala o kanahele.

Ua nani no oe e beauty Laniuma,
E kahi manu hulu laha ole,
Ua hanu ia aku kou meheu,
E ka ua tilihune o uka.

E ake wale au e ike la,
I ka ua lanipili o uka,
Hooipo mau no ke ala huihui,
I ka pua o ke aalii.

A K Kunuikea.

PALI KOOLAU.

Auhea wale ana oe,
Ka ui o na pali Koolau,
Hoi mai e pili,
Oiai ua like ka manao.

Hui:—O oe ka beauty oia uka,
Helu ekahi o ke onaona,
Ua puia uka e ke ala,
I ka lawe a ke ahe kehau.

Nani wale ka luna i Lanihuli,
I ka holu a ke oho kawelu,
O ka pa a ka maka'i Malanai,
Kololio i ke kowa o Nuuanu.

E hoi e ka ui o Koolau,
Oiai ua malu na pali,
O ka nee a ka ua Apukea,
Kahiko i ke oho o ka palai.
AKAHI HOI.

Aloha wale,
Pua hinahina,
I lei hoochie,
No kuu kino.

Hui:—Akahí hoi,
    Ka hikina mai,
    Ke aloha naenae,
    Hone i ka lipo.

    O loko hana,
    Nui kaanoi,
    Ka halia ana,
    Me ke aloha.


KE ALA PUA PIKAKE.

Auhea wale ana oe,
E ke ala pua Pikake,
Ka iini kau a loko,
E loku nei i ka puuwai.

Hui:—E ake no au e ike,
    Ia ke ala pua Pikake,
    Kuu lei o ka la walea,
    Hoa kaana o ke aloha.

Kau nui aku ka manao,
E ake no a ike,
I ke kumu o ke ala
E hone nei i kuu poli

    E o mai i kou inoa
    E ke ala pua Pikake
    Ina o ka lia a loko
    He makana ia na ka puuwai.

Moani Keala.
MOLOLANI.

A he ike ana aku ka’u,
I ka ua o ka hooli’o,
I ka nihi malie ae,
Mauka o Mololani.

HUI:—Inoino mai nei na pali,
- Ua puhia e ka ehukai,
  O ka holo a ke ahole,
  Ka i’a kiai loko.

Kai no ka pua lehua,
Ua kapu i ka malihini;
E hele no i ke ala,
E nihi mai lawehala.

E noho ae no au,
I ke kau a ke aloha,
Me Violet in Bloom;
I ka olu o Iolani.

UA NOHO AU A KUPA.

Aia i ka wekiu ka pua lehua,
Ke o-na ia la e na manu,
Pili ia e ka makani Waiholia,
Laahia wau i ka maluakele,

HUI:—Ua noho au a’kupa i ke alo,
  A kamaaina la i ka leo,
  Ka hiona’a ka manao ilaila,
  I anei ka waihona a ka manao.

Pa’e mai ana ka leo o ka Hikihiki,
Hiki mai ana ke ala o ka Fesia,
Sila ia ke aloha welawela,
E hoi kaua la e pili.
HOSIO.

E aloha ae ana wau,
I ka lau aala vabine,
I ka nehe nenehe i ke aumoe,
Ka owe mauka iiniu.

Hui:—Maluna ka ihōna, ihō,
A ke kiu inuwai o lehua,
Hoolōno o ka leo o na manu,
I ka hauwalaau i kanahele.

He libano tuberose ka’u i ike;
Ka ninhi ae ma kae pali,
I hosio aku hoi au,
A he ole ko iala maliu mai.

E kala ko iala eena,
Ke hīu ala ko iala pea,
Ke aha ili ala ke aloha,
Na kapuai kani o Melekini.

Ka mikina ana aku mahope,
Hoolai o Dickey i ke kula,
Pukui ke aloha mesalina,
E huli hoi a he kula loa.

MARYANN BUSH.

MALĂNAI.

Ke noe mai la e ka ua,
Lawe nihi lau laau,
Kili pohe mai la i luna,
I ka nuku wai a ka manu.

Hui:—Malanai anu ka makanī;
Nahehea ke pilina māi,
Haaleale mai ana,
I ka lihi wai mapuna.

Ua lana mai ka manaō,
I ka hanu o na pua,
E kukupu i ka ni’o,
Paepae kapu o Olono.
HE INIKI.

Auhea wale oe ke aloha,
Hana mao ole i kuu kino,
Eia ia nei ka iini,
Ka manao hoi lua a ka puuwai.

HUI:—He iniki la he iniki,
He iniki welawela ka ke aloha,
Hui-e, hui, la hui eha,
Hui konikoni i ka puuwai.

Pa mai ka makani kaulana,
Kilioopu o Waihee,
Ko mai ke aia huihui,
Hoihoi la i o Eleile.

LIHAU.

Lohe mai au i ka Wapine
Manu lawe lei a ke aloha,
Eia uka o Maukele,
Halialia mai ana,
Ka nohona oia uka,
I walea i ka nui manu,
I ka ne hone i ka po lai.

HUI:—Lohe mai au i ke Koldhala,
Manu hoohihi a ka malihini,
I ke kani hone i ke kula,
Kau ka halia i ka po lai.

Ka’u kuuna ia ua lai,
Ua apo e ka i’a o ke kai uli,
Ua mau i ka’u pae i koi,
Ka liko lehua o Lihau,
Haupuupu mai ana,
Ka helena oia mau aekai,
I ahona i ka i’a kiai loko,
I ka pohai mai i ke aha.

R. WAIALEALE.
BUKE MELE HOONANE'A.

KE KII ONOHI.

U-o aku mali i kona kaula,
Na pua i kui ia e Hiku,
Ka manai ana a ke aloha,
Pela ka manao i hoolawa ai.

HUI:—I aha ia hoi ke kii onohi?
I ke kii hoohihi a ka lihilihi,
I ka loku umii a ke onaona;
Pela ka haili ana i ka leo:

O ka manao ia i hoolawa,
I hoohei ai ia puia i ke aloha;
E aloha mai oe pela hoi au,
I hookahi pana ana a ka puuwai.

HUI HEANAN'I.

E HOONA AE' ANA.

Hoolana ae ana i ka manao,
I kahi hoi e maha ai,
E aho ia oe ia unu,
Ia'u hoi e maha ai.

HUI:—E hoona ae ana i ke aloha,
Pehea la ia e pau ai,
Ua kuhinia i ka manao,
I ke kohi ia e ke aloha.

Owau ka ke aloha i hiipo'i,
I hoona-ku i ka manawa,
O ka manao ia e lia nei,
E hakui i ke aloha i laka mai.

I mahui no au i koleo,
I ko hoolau ana mai,
Pela i haili ai ka manao,
E lawe a lilo oe nau.

J. L.
LEI ONAONA

Hoohihi aku au e ike,
I ka wai aniani o ke kaona,
Oia wai ono a ka manu,
[Kaomi ana i ka manao:]

Olu lai ka pilina a Puualii,
Oni malie i ke alāhao;
Ilaila oe la ike maka,
[Ka niniu poahi a ka huila:]

Aloha au i ka leo o ka manu,
I ka hone i Mauna Aloha,
Aloha au o ka mahina hiki ahiahi,
[A he hoapili ia no'ke ala:]

O ke aheahe mai a ke kehau,
Hali mai ana ke ala onaona,
Olu lai ka walea ana iho,
[Ma ka poli nahenahe o ka ipo.]

J. C.

KE ALOHA HIPUUPUU,

Anoano e halia mai nei ia'u,
Kuu ai lehua i ka liko,
Ke aloha kai kipa mai ia nei,
O maua pu no i ka po nei.

HUI:—Nawai e loaa ka'u ia iala,
Ua makia paa ia i ka iwi,
Ua hipuupuu maua i ke aloha,
A ka pane poo i kuu mawana.

Kilikilihune lau Opukele,
Ka anoi ke hiki mai,
Me he kanaka ala ke aloha,
Alo ae no oe noho mai ana.

Owai ole hoi au li'a ilaila,
A he welo mikiioi na Liu-a.
Ilaila no oe hoolailai,
Na-e iki Iao i ka Uhiwai.

J. H. PEKINA.
KA HAE KALAUNU.

Kaena ka wahine o ke Kuahiwi,
Kuko i ke ao opua i ka lani,
Lalau hopu i ka mea i li'a ai,
I kahiko no ke kino e nani ai.

Hui:—O ka wehi Kalaunu o ke Aupuni,
No na lani elia i ka Moku,
No lakou nei Ha'e Kalaunu,
E mau loa kona welo ana.

E noho malie oe ilaila,
Kou kuleana kupono iho no ia,
Mai noho a kii ae i ke kapu,
No na mamo ia a Keawaheulu.

No Kalani Kaulilua i ke anu,
No aia i Kaala ke kino a ke aloha,
No Liliu o Lolokulani i ka maka,
No Pili aloha ka ua me ka makania.

KA ANOI.

Mai hoonioni mai oe,
Ka pili aloha a maua,
Elua wale no maua,
Me ka nui manu o ka lewa.

Hui:—Paa ia iho ko makemake,
Koolua nou o ka po,
Kou kuleana paa no ia,
Ko lihilihi i ano ai.

Mai punihei hewa oe,
I ka nani o Ainapo,
Eia iho no ka anoi,
Me ka la malamalama.

Mai kuhihewa aku oe,
I ka ula o ka Ohelo papa,
O kou makamaka no ia,
Ke aloha i palua ia.

Haku ia e Lui, Leo Mele Eliza.
KE ALA TUBEROSE.

Auhea wale oe e ke ala Tuberose,
He moani aala i ke ano ahiahi,
Ua like me ka lau vabine,
I ka hoene i ka poli pili paa.

Hui:—I ke hou ana i ka nani o Hilo,
I ka uluwehiwehi i ka lehua,
Lei hooihii a ka malihini,
Mea ole i ke kono a ke aloha.

E aloha ae ana i ka makani Puulena,
Ka makani kaulana o ka aina,
Home noho a na Iiwi Polena,
Mea ole i ke kono a ke aloha.

J. Aea.

PILI PALUA.

Kahiko ka nani i Lihau,
I ka hale hinano a na manu,
He pala aala ko kuu ipono'e,
Ke ike aku oe hooihii.

Hui:—O lili wai aloha a ka ohelo,
Ua like a like ka anoi,
Mikioi ka liko o ka lehua,
Ke aloha i pilo palua ia.

Ko ohi ke aloha pee maloko,
Pulu i ka ua Ulalena,
I walea ia uka iiniu,
Lamahama nu'a o ka palai.

Aohë hanâ a ka opua,
Elieli kulana ilaila,
Hoolai ka nohona a Wewehi,
Me honoenoe i kuu poli.
AHI WELA.

Kuu pua i li'a ai,
A'u i kui alawa,
I lei hoohiehe,
No ke ano ahi ahi.

Hui:—Ahi wela mai nei loko,
I ka mana a ke ahole,
E lalawe nei i kuu kino,
Konikoni lua i ka puuwai.

Elua no maua,
A i ike ia hana,
Lai ai ka nanea ana,
Hooipo i kuu kino.

LIZZIE DOIRON.

HALE OLA.

Auhea wale ana oe,
E ka tinî a loko,
Na loko ae ka manao,
Hu'e lani i kuu kino.

Hui:—He halia kai hiki mai,
O kuu lei onaona,
Ua pulupe i ka ua,
Ka nokea eke ke hau.

He aloha ka awapubi;
Ka nani oia home,
Honi hoomau i ke aia,
I ke onaona oia uka.

Hoohihi au e ike,
I ka nani o Haleola,
He ala no ia pua,
Ua ona ia e na manu.

J. C.
KA OIWI NANI O KE KAMAKAHALA.

I ke ahiahi Poakolu,
Kuu ike ana iho,
He elele waha ole,
E i mai ana ia'u.

HUK:—E i mai ana, e i mai ana,
    Aia ke ahi i kanahele,
    Kahi i walea ai,
    I ka nani o ia uka.

  A he nani io no ia pua,
  Me he la'i pala ala ka memele,
  Ka oiwi nani o ke Kamakahala,
  Lamalama i ka uka o Lanihuli.

  KUWILI IHO AU.

  Mamina wale hoi au,
  I ka nani liko o ka pikake,
  I hoa hoawihi maka no'u,
  No ka pee poli o ke ano ahiahi.

HUK:—Kuwiliwili iho au,
    A he mapu maoli no,
    O ka hanu aala o kuu ipo,
    ♦: Kuwili o ka pili aumoe :♦

    O ka waimaka pu me oe,
    Kama pu aku me ka ihu,
    Good bye pu kaua,
    Oiai ka pilina ua la,
    ♦ Hooniponipo iho au e moe,
    ♦ O'eo'e ana ko iala kuili,
    Kuhi au la o salia,
    Kuu hoa hoonipo o ka po.

    Ahi wela mai nei loko,
    Lauwili i ka iwi hilo,
    O ka hana ia a ke aloha,
    O ka hue pau i ka waimaka.
WAI O KANEWAI.

Nani wale ka nohona a Lili'iumoku,
I ka malu olu o Kauikalani,
O ka nihi a ka ua Lanikena,
I uka o Waiohiumalo.

HUI:—Kohu hone a Anapau,
Kahi wai o Kanewai,
I ka Pehia e ka hunakai,
Kai nehe i ka iliili,

Ka nanea ana iho ua lai,
Nihi koke ka makani Lauawa,
Hoolaila i ka piina pali,
Ka'u ia e ike nei.

Alau ko'ua uluhua,
I ka poai a ka ua Onini,
Ke hoohehelo ae la i Punahoa,
Omaka malu o Keanini.

J. A., H. A. me M. K.

KE ALA ILIAHI.

Kuu pua lei lehua,
A'u e li'a mau nei,
Hoopaa ia iho ke aloha,
I kuleana pu ai kaua.

HUI:—Kuu pua kuu lei onaona,
I kui alawa ia nei,
Me ke ala pua Iliahi,
A he hoa pili no ke aloha.

Ko leo ka'u aloha;
E nahenahe mai ana,
Hoolanalana ae ana,
Puuwai kapalili e.

Ua hiiwale i ke-aloa,
A loko e hana mau nei,
Noho oe lilaila a manao mai,
Hoi mai kaua la e pili.

J. C.
BUKE MELE HOONANEA.

LAU ONAONA.

Eia ianei ko lia,
Ko lei e ka lau onaona,
Hiihopia iho ka welina,
I waiwai na ka puuwai.

Hui:—E kuu aloha e maliu mai,
A ka makani e lauwili nei,
Eia au la ua anu,
Ina kiheaha a ka wai.

Hookahi waiwai nui,
A ka manao e lia nei,
O ka ike Walter aku paha,
I ka hiona ka manao.

PILI KAPEKEPEKE.

Kohu ole-ka ua i uka,
I ka hoowaha i ka wao,
Ua pau kou palena,
Na la mua o ka makahiki.

Hui:—Ua pono no kau hana,
A he mea waiwai,
Eia mai no e ka ole,
A he pili kapekepeke.

Ua pono no kau hana,
Ua eo ka pili ia oe,
E ka hio keokeo puakea,
Nana e kainepu nei kula.

E aho ka hoi i ona,
No ke kialua waiwai,
Nana e pailaka pono,
Kau pono ka ihu i ka makani.
BUKE MELE HOONANEÀ.

EHUKAI OKATOBÀ.

Aheahe—lai ahiahi,
Haukololio—i ka makani,
Hoolale ana e ka ehukai.

HUI:—Pehea hoi kaua,
I ka hoolale a ka ehukai,
E naue e hooko,
I ka hoolale a ka ehukai.

Ka pa'e—kai hiki mai,
Ka hapahapai—a Anahulu,
Hoolale ana e ka ehukai.

Mrs. ELIZA HOLT.

BEAUTY.

Onaona wale kanahele,
Luheluhea i ka palai,
Aole nae e like aku,
Me ka hanu o ka Lupine.

HUI:—O Beauty ko'u hoa like,
Kahi manu kiko pua lehua,
Alo ana i ka nui o na manu,
Pulu i ka wai a ka noe.

Ua hele a nohenohea,
Lupelupea i ke ala,
Aole nae e like aku,
Me ka hanu aala o Lupine.

Lau lìi ka lau o ka Maile,
Lauae o na pali,
Aole no e like aku,
Me ka hanu aala o Lupine.
IKE IA PELEKANE.

Nani wale hoi kuu ike ana,
Kela sina kamahao,
Aina kaulana i ka nani,
Ka ikaika me ka hano hano.

Hui:—Ilaila kuu upu kuu lia,
   Ka manao nui e waiho aenei,
   O ka ike lihi aku ia Pelekane,
   A he nani ia, ae, ua hiki no.

Kuko no loko a hooko,
E ike i na pua i ka wekiu,
Honi ka makani ʻolaila,
I ka hani weleleli i kuu papalini.

LILIU.

PUA ILIAHI

He aloha kuu pua Iliahi;
Onaona wale o kanahelo;
Hoa alo o ke anu hui o ka palai;
Pukui o ka lau naenae.

Hui:—He halia pau ole keia,
   No ke onaona waianuhea,
   Ke hea mai nei ka anoi la,
   E uhoi maua e pili.

Aole no he mea e like ai,
Me kuu lei like Iliahi,
I popohe i ka ua noenoe la,
O ka uka lihau o Malama.

Malama ia iho ke aloha,
I kuleana like ai kaua,
Kaua pu no i ka piko la,
Wai olu i ka like o ka lehua.

KAHIWAIWA.
HOOLALE O KA UKIU.

Aloalo kehau o nei mea he anu,
Hoolale o ka Ukiu,
O oe ko'nu lua lai ai ke kaunui,
Hoolale o ka Ukiu.

HUI:—Ka'owe o na bele,
E honehone nei,
Kou leo nahenahe,
Hoolale o ka Ukiu.

Auhea wale oe e ke Kulaokahua,
Hoolale o ka Ukiu,
E kuhi ana au e lai na iwa,
Hoolale o ka Ukiu.

PUA SADINIA.

Auhea wale ana oe,
Kuu pua Sadinia,
I pulu i ke kehau,
O ke kakahiaka.

HUI:—I never will forget you,
Gentle bow that you gave me;
Eia no me a'u,
Kahi konikoni ai.

Noho aku au hoolono,
Ka owe nenehe a ka wai,
A he waiwai nui ke aloha,
A loko e hana nei,

O ka nee mai a ka noe,
Halii mai la i uka,
I hoopulu i ke kehau,
O ka malu Hekuawa.
KUHALAHALA.

Uluhua, uluhua wale hoi,
I ka ua noenoe liilii,
E hana mau mai nei,
Mania wale i ka lihi,
Aohe lihi hoihoi,
Ka manao kikahakaha,
E hoolai iho ka pono,
I ka olo o Wehilaulani.

Hui:— Hiki kuhalalahala ole,
I ka linohau malie:

Auhea wale ana oe,
E ka manu Iwa ho'ohie,
Hooahialaai mai nei,
Ko'U ana ia nei,
Aohe wahi'o ke kohu,
A loko e ne ae nei,
Ua lawa au me i nei,
Me ka eu Kaapunihonua.

Hui:— Hiki kuhalalahala ole,
I ka lawelawe malie:

A he keu ko'U hauoli,
Ka pipi lani a ka manao,
Ke halakau ae nei,
Hoio i ka pili a loko,
O loko iki hana nui,
Hoonowelono'welo i ka ii,
Heahā la ia i ka uhene,
Kahela i ka heno a hoohie.

Hui:— Hiki kuhalalahala ole,
I ka milimili malie.

MRS. ELIZA HOLT.
KUU ALOHA E MALIU MAI:

E kuu aloha, e maliu mai,
Eia au la i ka poli,
I ke kiowai o ka onohi;
Puiwa i ka ike ana i—ho;
Kau ana ka hiona—la,
Ka inuwai a ke onaona,
Puiwa hikilele i ka leo,
I ka ike ana i ke aloha.

HUI:—Kuu Maka i Ponia,
Kuu Maka i Ponia,
Puiwa hikilele i ka leo,
Kuu Maka i Ponia.

He aloha ke ao a ka ʻia,
Iaila ko kii onohi,
I mai ana iaʻu e hoi,
Puiwa i ka ike ana i—ho;
Kau ana ka hiona—la,
Ka inuwai a ke onaona,
Puiwa hikilele i ka leo,
I ka ike ana i ke aloha.

He mea nani ka ikena i ke aloha,
E ni mai ana i ke ala e hoi,
He lei he papa no ia home,
Puiwa i ka ike ana i—ho;
Kau ana ka hiona—la,
Ka inuwai a ke onaona,
Puiwa hikilele i ka leo,
I ka ike ana i ke aloha.

J. A. C.
MILIHAI PUA.

Ilihia wau la,
I ka hea a ka waiolohia,
E hoi ae kaua,
I ka malu olu o ke kukui.

Hui:—E li'a wau la,
I ka po kehua lailai,
No milihai pua,
E pohea mai la i ka iu.

Kui ia iho hoi,
Ko lei e ka lau onaona,
I koolua nou,
Me ka ua o ka holio.

KUU HOA I HALEMANO.

Ke naue ae nei e ike la,
I ka ehukai o Puaena la,
Ia kai a maun a alo ai la,
Me kuu hoa i Halemano.

Hui:—E-o e lipo i luna,
Lehua i Halemano,
Hoonaona ana la,
Ia uka o Waialua,

O ka noe mai a ka ua Kiowao la,
Me ke one wali o Maceae la,
E nopa mai la i ka lihilihi,
Noe halii a ka ehukai la,

E aha ana oe e ka upu la,
E hooheno nei i ka opua la,
He wehiwehi mua no ia nou la,
Ua kupa i ke anu iu iu la.

Me oe ka anoi e pili ai la,
E lawe ae a milimili la,
O ke aloha maloko iho ia la,
E haupuupu ai i ka anoi la.

Mrs. Eliza Holt.
BUKE MELE HOONANE'A.

WILIWILI WAI.

E ka wiliwili wai,
Koiawe i ka lai,
A heaha kau hana,
E nave malie nei.

Hui:—E-i nei, e-i nei,
    E poahi mai nei,
    A hea, a hea,
    Oe kaohi mai.

    Oki pau o iala,
    Ua ninihia ka lawena,
    Kuu iki iho hoi,
    I inu aku au.

WAI PUNALAU.

Malihini ko'u ike ana,
Na ka nui kono a ka manao,
Aua u ka wai kaanana,
Wai poa'io olu o Punalau.

Hui:—Lipolipo ka wai o Punalau,
    Wai hoohihi a ka malihini,
    Kuu aku ilaila kuupau,
    Ne olu i ka noel halii.

Powehi oe ke ike aku,
Luhiehu nolu i ka palai,
Ua wehi nua'i i ka lehua,
Ka houe wai la o Punalau.

Na wai e ole ko'u hoonipe,
Ua laahia i ka make make,
O ka iho makawalu a ka wai,
Hunehune wai o Punalau.

Mrs. Eliza Holt.
BUKE MELE HOONANE'A.

KUU IPO KUU LEI.

Hali'alia mai ana ia'u,
Me he ala e hiki mai ana,
A hiki mai oe olu iho au,
Hoi pono iho nei puuwai.

HUI:—Kuu ipo kuu lei;
Kuu milimili e,
Hoi mai no-kaua,
Hiipo'i pu i ke aloha.
O ke aloha kau e malama,
Hii ia iho ma ko alo,
Pili ia ma ko poli,
I hoa nou e ka lia.

LIZZIE DOIRON.

PUUHUE.

E maliu ae au i ka leao a ke aloha,
E hea mai nei e hoi aku,
Me a'u ka anoi e kipa mau ai,
Ma neia pohai anuhea.

HUI:—Nani waie ka uka la i Puuhue,
I ka holo a ka lau laau,
O ka pa a ka makani apaapaa,
Koiawe i ke ahe malie.

O'u hoa i ka uka o Puuhue,
Ua luhea i ka ua lihau,
A luhe lai i ka uka iu,
I ka wiliokai a ka ua,

He nahele ulu wehi ka lehua,
He anu i ka iu naele,
Nipo aku ilaila hoopi'o,
Olu nae i ka lau o na maile.

He iniki aloha kai hiki mai,
Kaomi i manua ka lehua,
E kala hoi ko'u hoohihi,
O ka hea mai a ka leoa ke aloha.

MRS. ELIZA HOLT.
NIHOA.

Kahiko ka nani i na kuahiwi,
Ka ohu halii i na pali,
He pali kapu ku kilakila,
Ma-pu ke ala me ke onaona.

HUI:—He ali i he wohi keia,
E hiipoi ia mai nei e ka hui Nihoa,
Kohu wai mapupapapuna,
E pu-a ae nei i ka puuwai.

Ia nei pu mai kaua,
I ke kui pua lei ali,
I willia pu ia me ke aloha,
Na hoa-o ke kai i Nihoa.

MAKALAPUA.

O Makalapua ulu mahiehi,
O ka lei o Kamakaeha,
No Kamakaeha ka lei na Lia wahine,
Na wahine-kihene pua.

HUI:—I:E Lei hoi, E Liliulani—e:

Haihai pua Kamani Pauku pua ki ki,
I lei hoowehiwehi no ka wahine,
E walea ai i ka waokele,
I ka liko i Omaonahele.

Lei Kaala i ka ua a ka nau ku,
Hoolue iho la ilalo o Haleauan,
Ka ua lei Kakoo-ulua i ke pili,
I pilia ka mauu nene me ke kupukupu.

Lei aku i na Hala o Kekele,
I na hala moe-ipo o Malailua,
Ua maewa wale i ke oho o ke Kawelu,
Ka lei Kamahala a ka ua Waahila.
BUKE MELE HOONANEA. 67

PUU O HULU.

O ka loku hala ole,
A ka ua i Maili,
Ili hewa ka manao ianei,
Ka waiho lahala ha i ka lai.

HUI:—O oe kai huiia i-ho la,
Ka manao e puapuai ala,
Eia'e o Puu o Hulu,
Hulu no au ua hiki no.

Na'u i lahu i ka lelo,
Ike'i ka makani Kaieulu,
Ka makani o ka aina,
Ilaila hoolai na manu.

MRS. ELIZA HOLT.

NUHOU.

Iliiia wale hoi au,
I ka nuhou kakahiaka,
Kau ka weli kau ka opua,
I ka wanana heno aia manu.

HUI:—Ua hiki no, me a'u,
Kuu lei mae ole he aloha,
||:Ua hipuu polena ia,
Ua holopoho'ne i ka makemake:||

Me oe ka haupu ka hilia,
Me ka nac o water lilly,
Onaona ia pua ohaoha i ka wai,
I ka hiki pa a ke ala.

Ahauhe ka hana a ka opua,
Haahoe mai ia i Waolani,
He lani na'u ke aloha,
E hoanaele nei i ke kino.

Haku ia e KATY HAVY, Leo Mele ELIZA.
HULUPALA.

Kuhi ana no paha oe,
He iki kaamola mai nei,
Ua hilo kaa'kolu ia,
Pau kauna o ka noonoo.

Hui:—Neenee mai a pili,
E ka ihu o ka makamaka,
Na'u e nowelo aku,
Halakau oe i ka li'o hulupala.

Mai kaena hewa oe,
He ike hanahana poahi,
Eia mai Laumiki,
O ka puhi noii nowelo.

KAWAIKINI.

Holomapu ke-ala Lauae,
Lawea mai e ka moani,
Aloha ke kapa huki-palai,
I ka lupea e ka ua Haao.

Hui:—Noe mai la Waikini,
Kahela Haupu i ka olu,
Anu lipo Waiopua,
O ka ipo huna i kanahele.

Lei oiw'i hiilei,
Loli'i ke aloha,
Ke aloha haupuupu,
E haupu nei ianei.

Me oe aku ia unu,
Luuluu au i ka milj
Hiipo ia ka welina,
E liliiwai Ohelo.
BUKE MELE HOONANE'A.

LAU AHIHI O LIHUE.

I anoi aku au e ike,
Ia lau ahihi i ke kula,
Ke luhe mai la i na pali,
I ke kula anu o Lihue.

Hui:—Anu au anu au eke hoa,
Ina kulu kehau a ke anu,
Ke lelehune mai la inka la,
I ka lau lipo o ka palai.

Hoolono ae au o ka nehe,
O ka ua nihi lau kukui,
Ke loku mai la i Maili,
I ka lau o ka pilipili.

KA LAMA AE ONE.

Auhea oe e ka lama ae one,
Kaua i ka pahupahu Bilioki,
Ua nani ka waiho mai a ka papa,
Koke na ulu i ke kahua.

Hui:—Ua pass long ia kau puu,
Never see me ho'i ka'u blind,
Ua ike ia aku oe,
A he hele pulapu mai kau hana.

Kau kapakahi aku oe i ka Ulu,
I ka welelau mio o ke kiu,
I loaa e ka ulu i ka naele,
Kusini ka loaa la e ka lima.

Hoiho ko kiu a aulii,
I niniu pono ai e ka Pelekanu,
O ka'u kiina no ia,
Huikau na ulu la i ke kihi.

O-ua ilio me kala ole,
Ke kai hulluhulu ia ae nei,
Aole no oe e pakele aku,
A he hapaha Pelio,
BUKE MELE HOONANE'A.

HUI NIHOA.

Eia no makou,
Na hoa hui Nihoa,
I lawea ia e ke aloha,
Hoa alo o ke kai loa,
Lai pohai ana manu,
Makaikai a ka lani.

Hauoli na manu,
Ahe ia nui keia,
Kau ka malu o ke ao,
Kahelahela ka pua lehua,
Lai o na kuahiwi,
Kuahiwi ku kilakila.

Kilakila na Mauna,
Hoope ia e ka naulu,
Ulu ae nei ka mana'o,
O ka lani a makou,
E mau kou hiipoi ia,
E ka hui Nihoa.

IHIIHI I KA WEKIU.

Ihiihi ka pua i ka wekiu,
I ke kaomi ia e ke kehau,
Hui ai ka nohona o ka wa'o,
Ia uka puia i ke onaona.

Hur:—A heaha ka hana a ka palai,
E luhe mai la i kanahele,
Hele no oe a ike mai,
E mahie luna ua li'a loko.

Kuhi ana oe na hai e kui,
Ia pua ono o ka lehua,
Na ia pua au i hoowalea,
Ike i ka wai o Namalokama.

Kama ia ke aloha i paa loko,
I makamaka no ka halia,
I halia aku an e ike,
I kuu pua i ka wekiu.
BUKE MELE HOONANE'A.

LIPOA AALA O LELE.

Ua noho au malalo o ka oli,
E walea ana i ka oli oia pua,
Mapu mai ana ke ala o ka lipoa,
Ua eha au mamuli mamuli o ko leo,
Kupaoa wale no ko ka hala,
A he hui mau ia nae e ka wai anuhea,
Hoope ia i ke kupukupu moani,
Aohe mea like me ke ala o ka lipoa.

HUI:—Ua noho au malalo o ka Olu,
E walea ana i ka oli oia pua,
Mapu mai ana ke ala o ka lipoa,
Ua eha au mamuli mamuli o ko leo.

O ka noe a ka opua i kanahele,
Kilihune i ka liko o ka iie,
Aohe mea like malalo o ka malu Akolea,
Ihihi kapu i ka leo o ke kahului,
Hookahi waiwai o ke onaona,
O ka honi vahine he mau ia,
A he lono leo ka'u i lohe,
Ku ana ka elele a ke aloha.

A noi aloha ia iu ano,
Pohina mai la kanahele i ka ua,
He ala moani lauae i na pali,
Poni ia e na kulu kehu o ka po,
A he nani pua Laniuoa,
Aohe mea like me ke ala o ka lipoa,
Kahi a ke aloha i hiolani,
Ua eha au ua lia ia oe.
ANAHULU.

Kehakeha ka uka i Helemano,
I ka nua lehua i kanahelo,
Lea wale ka lalahela a ka wai;
Koikoi ana ia'u e naue.

Hui:—Aole au e puni ana,
Kahi wai o Anahulu,
Nene lilii nei i ke one,
I ke oné wali o Maekaa.

A he hoope ka ka ua,
I ka ehukai o Puaena,
E pahele ana i ka noe,
Hoohaihai mai i ke kula,

Aniani mai ana ka makani,
O kuu aloha paha ia,
O kuu ipo aala i ka pili,
He onaona hanu i ka poli.

MAI HOEUEU MAI OE.

Auhea wale ana oe,
Uhiwai o Kaala,
I pili me ka Malua,
Ka makani o ka aina.

Hui:—Mai hoeueu mai oe,
I ka wai ua lana malie;
E kakali malie oe;
A lai pono ka makani.

Hookahi a'u mea ulu Lua,
Ka makani anu la he kiu,
Houhou ana i ka ili,
Konikoni i ka Iwihilo.

Aole i piliwi ia,
Leo hone o ke kahului,
Hone ana i ka po lai,
I ke kulukulu aumoe.
ΑΛΟΙΑ' ΝΟ ΛΙΛΙΑ.

Α heaha ka hana a Malulani,
Ε noho mai nei i ka wehi,
Ε kaunu ana paha me Hiku,
I ka piko o Hualalai,

HUI:— Mai alai oe i ka pili ua lai,
Oiai ka manao i kuu kino,
Ua malu hoi au i ka leo,
Ua kupa i ke anu oia uka,

Me oe ka anoi e pili ai,
Ε ka milimili lei mokihana,
A o ka' u hana mau no ia o ke aloha,
I hoa no ka iu anoano.

ΗΕ ΙΝΟΑ ΝΟ ΚΑΛΕΛΕΟΝΑΛΑΝΙ

Nani wale ke kai o Manolau,
Ke hone ae la i ka hinahina,
Hina kuu manao ia oe,
I ke alai a ka ua noe.

HUI:— Ahea la wau e hoi aku, hoi aku,
I ka wai anu o ka Aina,
I ka wai huihui i ka Ii, i ka ili,
Ke hui ae nei ka manao.

Pehea ka ua o Hanalei,
Ke kapecu ala i ka Hinano,
Kii kuu maka kalohoe i ona'la,
Hikilele au me kuu hoa.

He hoa i ka ua o Eleao,
Kaua pachala o Maluaka,
Kanahela kiwai o ka ua,
Ka Ahuihala ka makani,

Lolii ihou la pulu elo i ka ua;
Ka Okai po'a ka hinano,
Ke kino haimalule i ke ant,
A malailua e nonoho nei.
Buke Mele Ho'olanaea.

Ainahau.

Na ka wai lukini wai anuhea o ka rōse,
E hoope nei i ka liko o na pu'a,
Na ka manu pikake manu hulu melemele,
Na kahiko ia o kūlū home.

Hui:—Nani wale kuu home o Ainahau i kā iu,
  I ka holu nape a ka lau o ka niu,
  I ka ulu wehiwehi i ke ala o na pu'a,
  Kuu home, kuu home i ka iiuu.

Na ka makani ahehe i pa mai makai,
  I lawe mai i ke onaona lipoa,
  E hooipo hoonipo me ke ala o kuu home,
  Kuu home, kuu home i ka iiuu.

Kāpili.

Charming i'po laulii.

E Darling i ka Uluwehi,
Eia ka manai ka iini lokuloku,
Usa hiki ka halia lipo anu,
Me oe aku hoi ka puana a ka mōe.

Hui:—Oh! Delerious ke ala,
  Huihui of my dear,
  Charming lovely ipo laulii,
  Ka sweetest of my eyes.

Auhea ka halia anuhea,
E haupuupu nei i ka lai,
No Charming ipo laulii,
Kuu ipo laulii a sweetest of my eyes.

Mino aka i ka unu Olaa,
Lawe oki ke aloha ia nei,
Kuihe iho Waiiaaleale,
Lai ai Charming ipo laulii.
BUKE MELE HOONANEA.

PUA NANI O HAWAII.

Ua lai no ke aloha,
O ka li'a ia a ke kino,
Pau ole ko'u manao,
Ke'ala o kanahele.

HUI:—Auhea wale ana oe,
Pua nani o Hawaii,
Nani wale kuu ike ana,
Na lehua o Hoolai.

O ka noho a Robine,
Iwa aulii o ke anu,
Aole na e pakele,
I ka li'ilii Illiahi.

Ke ala ka'u i honi,
Poa'i na Mokupuni,
Hiki pu me ke aloha,
Ilaila ko'u mahalo.

I ka pua, o ka mokihana,
Onaona mapuna hanu,
A'u i honi hoomau,
Hu mai nei ke aloha.

Kahi wai o Hoohila,
Kela wai kaulana,
A ka manu e inu ai,
Wehiwehi wale ia uka.

I ka lipo o ka palai,
I willa pu ia me ka hala,
Kuu lei iwa i ke anu,
Huli e ke alo la i Lanihuli.
BUKE MELE HOONANE'A.

HOALU KIPUKA ILI.

Kuhihewa au o Nanea
I ka hooheno ana mai
Eia ka o Hoinainau
Ka puni hana nowelo.

Hui:—Ilihia wale hoi au
I ka hoope a ka lanawa
Me he la o knu ipo
Hoalu kipuka ili.

Akahi au a ike maka
I kahi elepani kupua
Ua kohu na oe a kohu
Me ka aukuu kiai loko

Hana ia a lawa ko kemakema
Oi ma-lo pono ke kaula ili
Eia iho kahi malailua
Me ka apowai o Kalaiki.

LOLENA.

NANI HAILI PO I KA LEHUA.

E o e Liliu i ko inoa,
Nani Haili po i ka lehua,
Noho ia kula i ke enaena,
Honi ke kupa i ke ala.

Hui:—Waiho u no i ka poli o ka ipo hinano,
Nana aku he nani wale no kanahahele,
Ilihia okoa i ka maikai o ka pua,
I kui au a hoolawa i ko aloha.

E o e Liliu i ko inoa,
Nani Kilanea paa i ka noe,
Po luna o Uwekahuna i ke ala,
Nalo,aku la na lehua noe i ka papa.

Hui:—Ike ole au i na hala o Halaaniani,
I ke alai ia mai e ka ua nahunahu,
E ake au e hoi mai Kapuulena e pilo,
E moe aloha maua me ka moani.
BUKE MELE HOONANEA.

SUNDAY MANOA.

Nani wale no oe,
Mahina kau ahiahi,
Hooiheno nei i Lehua,
Ua hiki ka halia,
Ua liko i ka nohea,
Me oe aku ka puana,
O ka moe.

HUI:—Kui ia ko lei
I koolua no ia uka,
Ia uka iiuu,
Lanakoi a ka makemake,
Hoope ia
E ka ua Tuahine.

Eia ka anoi,
I poni ia,
I kuni paa ia e ka iini,
He iini kau nui,
A ka manao,
He halia hana mau,
Ia loko.

Haupu hikilele mai au,
I ka hone a ka wai,
O Pualoke,
Hookahi waiwai,
O ke kuleana no ia,
Ka Puanā a ka moe,
Ka hale kipa.

MRS. ELIZA HOLT.
MAGNOLIA.

Hoomahie luna ua li'a loko, ua hiki no,
Ua lawa ke ko'i a ka iipo, ua hiki no,
A huli e ka i'a lai na manu,
Halakau na makau a ka liko, ua hiki no.

HUI:—E ka maoli pua magnolia, ua hiki no,
Hoonaona o ka uka iu, ua hiki no,
Homai no'u ke ala huihui,
I hoa hooheno no ka liko, ua hiki no.

Kiekie ka nani i kuu maka, ua hiki no,
Ke kilohi iho oe hoohie, ua hiki no,
Hoonoenoe na maka la o ka opua,
I ka hene wai ono a ka liko, ua hiki no.

O oe ka'u lai ka pilina, ua hiki no,
Haihai olelo q ke dawn, ua hiki no,
Haina ia mai ana ka puana,
Q ka pua i ona ia e ka liko, ua hiki no.

MRS. ELIZA HOLT.

MOAULA.

Pau ole ko'u hoohihi,
I ka wailele o Moaula,
Haila wau la ike,
I ka wai pahihi i na pali.

HUI:—He aloha kuu lei Pikake,
Na'u i kiss a hooman iho,
E lei no au i ko aloha,
Remember be sure and be there.

Aole i pau ka iini,
Ke kuini la o na pua,
Ua hele wale a nohenohea,
Lupalupa i ke ala.
BUKE MELE HOONANE'A.

Weliweli aku hoi au,
I ka poai a ka opua,
Hoohaehae naulu,
I ka pakalikali mahohe.

A kahi hoi au a ike,
I ka pohu lai a Kamanu,
I ke kai malino i kuu maka,
I ke one holu o ka Miloloa.

KAMAKANI LIHAU PUA.

He makani lihau ko Puna,
Halihali mai ana i ke ala,
Kaua i ka papa haaleale,
I ka newa ka ao o ka hala,
Haila ka anoi e lia nei,
Kupu ai ka manao ne ho-a iloko,
Aia hoi ha ua mea e nani ai,
O ka hana pau ole a ke aloha.

HUI:—E o e ka lei o Hawaii,
E ka pua hiwahiwa a ka makua,
A he lei mililani na ka manao,
Eia iho hoi e lei e.

Ka manao hone i ka manawa,
I hoihoi ai ke kanaka i ka lso,
Ke nolua-e-la i ka ua noe,
He ua hana nawele i ke pili,
Pulu iho la ka maka o ka lehua,
Na lehua i kanahele i Paieie,
I hoohuo i hoi oe i keaba,
Ua lawa a lawa ke aloha me oe.
KAHIONA A NA MANU.

Nani wale ka hiona oia manu,
Hiehie i ponia e ke aloha,
Ilaila lawa kuu makemake,
Honi au a hoomaumau.

Hui:—A pili ka’u manu hulu nani,
Ia manu liwipolena,
Ua pili i ka’u kepau,
I ka’u kawili ana i mamau:

Noe mai ana ia’u ko aloha,
Kohu ao opua makani,
A he anu ka makani o Inuwaı,
I mehana hoi au i ko poli.

KAINUUALA.

LIA I KA WAI MAPUNA.

E hiai hiai ae ana,
I ka nani o Maile-kaluhea,
Ua lohia e ka ua koiawę,
E ka ua noe mai i ke pili,
Hoïho kaua e Welina,
Oiai ke aloha ua paa,
Ua kila ia me ka mana, 
Ua kupa i ke anu oia uka,

Hui:—Auhea wale ana oe,
E li’a i ka’wai mapuna,
E noheonohe pua o ka lama,
E ka’lithlihi o Anehila.

Aohe hana a ka opua,
Ua lai luna o Malamanui,
Ua olu i ka wai a ka nauulu,
I ka wai ua lana malie,
Kilikila kulana oia kini,
Hiehie i ka uka waokele,
Oona o ke ala lau ae,
Ka’u ia e honi nei.
KA HANU O EVALINA.

Homai na'u e honi aku,
I ka lau aala vabine,
He moani lau liili'i,
Ka hanu o Evalina.

Hui:—He anoi au e honi,
I ka nae aala o vabine,
He moani lau liili'i,
Ka hanu o Evalina.

Hii mala anu ke aloha,
Ke hiki mai nei welawela,
Ua lubi au maopaopa,
He pali kiekie kelakela.

He uwila hiki aumoe,
He pakuikui ooolo,
He kulana mapuna hoe,
Kunewa i ka nui o ka holo.

Ua holo ka'u kaona,
Ua ike ia e ka nui manu,
Hookahi no hailona,
Ka puia aala o ka hanu.  

KE KO MAI NEI KE ALA.

Auhea la kuu pua lei,
Omau-i-ke-onaona kona inoa,
Ua noho wale i ka lai,
A nohea ke ike aku.

Hui:—Ke ko mai nei ke ala,
Ke ko mai nei ke ala,
Ke ko mai nei ke ala huihui.

Pulupe a koekoe,
Ka ua noe kilikilihune,
Nana hoi i alai mai,
Paa mai ke ala e hiki aku ai.
O ka mahina opulepule la,
Ke welo ala i ka ilikai,
Pāneia ia e apa nei,
Eia'e o makani kona.

Na ia la eu hooluulu,
Na ka pua iu la o ka waokele la,
Ihihi ka pua oiala,
I ka leo hoochiehie.

O ke kani hone a ke kita,
Hoolai ai la hoolana,
Anekane kupilikii,
Ka leo o na manu.

HE INOA NO KAPILI.

A ka luna hoi au o Lehua la,
Ike i ka nani o Haehae,
Ilaila ike i ka wai Puilani,
Ka lalawe malie i ka lai.

Hui:—Ai hewa a i lawe nuit ia la,
Kuu aku oe i ka nahenaba,
O hemo e kapili paa mai la,
Hooko i ke kuleana a ke aloha.

E aloha ae ana i ka wai koiawe,
I ka lelehune mai i ke pili,
E pili kaua oiai ke aloha,
Koolua o kahi mehama.

Ua nani no oe e ka Iwi Polena,
E ka manu kikō pua o ka uka,
Eueu puapua niniu poahi,
Ka lawena malie a ia nei.
KUHAIMOANA.

Nani wale no kuu ike ana,
I ka aina o Kuhaimoana,
Aina i ke kai lipolipo,
Hookala kupueu o ke aloha.

Hui:—Puiwa ana hoi au,
  Ia lilii wai o Lehua,
  Uluhua wale au i kahi manu,
  I ke kiki koni koni koni i ka pua.

Sweet kuu ipo aloha e hoi ea,
Lihiliki lehua o Makanoe,
Ua pulu elo wale i ka ua,
I ke kualau la he kiu anu.

Nani Venusa ka hoku kau aliiahi,
Bright star a ka puuwai e li'a nei,
Lady love hoapili o mi nei,
Kiss me darling say not farewell.

HOKU BOYS.

Aluna hoi au o Halai Hill,
Huli nana ia Kaiwiki,
He iki ko leo i ka pane ana mai,
A hiki aku au ilaila,

Hui:—E uleu kakou na Boys o Hoku,
Na Ladies mai hoi kui lima,
Hoolono aku hoi o ka pane ana mai,
Swing your partners Hoku boys.

Ilaila ka anoi a kuu puuwai,
Waiwai nui oe na mi nei,
O you ka'u darling e li'a mau nei,
I ke ano o ke kulaumoe.

Moe aku hoi au a hoolono,
O ke kani a ka pio i ke kula.
Kubihewa ka manao o oe hoi ia,
Eia ka aole.
BUKE MELE HOONANE'A.

HE INOA NŌ LIKELIKE:

Aluna au o Kaiaiki,
Hone ana ka leo o kuu Iwa,
Kuhi au o ke ao nauulu,
I ka halialia ana mai,
Ka opua ka’u i ike aku,
E kau ana i ka ilikal,
Akahi a lana ka manao la,
E uleu ana au me iala.

Hui:—O oe ka ia e ka nauulu o ka lewa,
E hone nei i ke alo o ka opua,
Kuhi au o ka liko jihilihi o kanahele,
Ka awihi wihi ana mai e uhoi ae kaua.

Oiala ka liko i ike ia,
O ka jihilihi o ka lehua,
Ua ane like no me Hiku,
Keiki a wali kanahele,
Aluna au o Waiau,
Mahalo i ka nani o Hilo,
Kehakeha ke one i Ohele la,
Kapaia mai e ka Malanai.

Nani wale ka liko o ka Hinano;
I ke kupu ohaoha i ka uka,
I ka luna wale o Waikii,
Kiina ka ono ia Hiku,
I loaa ko puni kauoha;
Mai na knpuna mai;
Hana ae nei ka anoi la,
No Likelike no he Inoa.

NIHOA KEAOMAKANI.
BUKE MELE HOONANEA.

BE STILL ŒE.

Hoonua Hilo i ka lehua, la,
Wehiwehi Puna i ka ulu hala,
Haale ka wai o, Kamaile,
Hoolai na manu o kanahele.

Hui:—Be still œe e iala la,
Ei aku oiala ko’u koolua la,
Ko’u kuleana paa no ia la,
Kohu ai o ka’u hooniponipo.

No ka helu ekahi ae no au la,
No ka hulu mamo i Olaa la,
Ua laa no au me iala la,
Me Hiku i kanahele.

Heaha hoi kau e Apapane la,
E hana wale mai nei no ia’u la,
I ka manu ua laa mua la,
Ia maile Kalukaluhea.

KUU WAI LILII MOKIHANA.

Lai ka makani ahiahi,
Kolokolonehe e ka hau;
Lau lipolipo ke aloha,
Hana e la iloko ilo.

Hui:—Kuu wai lilii mokihana,
Apapane wai a ka manu,
He alihi wehi ka lehua,
He lalawe lima onaona.

Ke ala kai hiki mai,
Ua hui ae la Maukele,
Pakele mai Hiilawe,
I ka nui manu o ka ukā.

E hoi œe i ka home,
I ka wao ala kanahele,
E noho au me ka lia,
Me ke aloha haalipo.
E PILI, E PILI.

Ia'u la i hoolai iho ai,
Pa ana ka makani Moae
Hoolale mai ana ia'u e nathe,
Hei mai kaua e pili.

Hūr:—Hoi mai kaua e pili, e pili,
Oiai ka manawa kupono,
E kali no wau'nau e kii mai,
Hoi mai kaua e pili,
E ake no wau o ka ike lihi aku,
I na hiona a ke aloha,
Ua like no ia me ka ua nihi pali,
Hoi mai kaua e pili.

KA AWA O PUNA.

Ua nani o Maui ia Haleakala;
Ua ku hōokahi Kuahiwi,
A he mea mau no ia kuahiwi,
A he kapu a he kamehā i ka malihini.

Hūr:—Mukiki wai e lelehune a ka manu,
O ka awa ili lena i ka uka o ka Līu,
O ka manu ahaihai kanu awa o Puna,
Aia i ka uka laau ka awa o Puna,
:Mapuna mai ana kona aloha iō'u nei,
Hoolaau mai ana ia'u e moe:

Ua nani o Hawaii Kilohana i ka lai,
Ua ku ekolu kuahiwi,
Hoohihi ka manao e ike i ka nani,
I ke ahi a ka wahine.

Eia Kauwiki la a he aina wai ole,
I ahona i ka wai awilikai,
A he puu kaulana no na 'Lii kahi ko,
Ilaila pau Pea poa i ke ahi.
Kuu ipo i ka lai o Lele,
I ka home o ka makua,
A’u i noho ai a kupa,
I ka lai o ka Ulu o Lele,
Me he ala e i mai ana,
Ina kaua e ke hoa,
Ua malu lai na pali,
Ke kani mai nei na manu.

Hui:—Nani wale kuu ike ana,
I ka lai o ka malu Ulu,
E kau ae nei mamua,
Kokoke i kuu maka.

Pau ole ko’u ilihia,
I na Hono o Piilani,
I ke ku kelakela mamua,
Ka waiho nani mai o Uo,
Ka awihi ana iho a ka maka,
A he nani maoli no,
Me he ala e i mai ana,
E uhene mana e uleu.

Kuu ipo i ka uka iu,
O Maunahoomaha,
Hoomaha aku au ilaila,
A inu i ka wai huki niho,
Owau no me kuu ipo
Kai honi i ko ala onaona
E mapu mai ana
Ke.alo ka Roselani.
KA MALANAI.

Kiina kuu hoa i ka lipo,
Uluwehiwehi oia nahele,
I hoa kuwili hoi no'u,
No nei po anuanu.

Hui:—O oe no ka'u ipo aloha,
A ka malanai e hiipo nei,
Huihui wale ke aloha,
Ka hikina mai anohe'a.

E maliu mai oe e halia,
E walea mai la i ka ohu,
I mehana nei puuwai anu,
Kapalili hakukoi i ka lihi,
Me oe ka iini pau ole,
A'u e dream mau nei,
I na po mahina lailai,
Iuiu oia uka lipo.

Noenoe ka hikina mai,
A ka makani Puulena,
Hoolale mai ana e pili,
Me kuu hoa i ke ala.

Wm. P. Leleiho'oku.

NA HALA O NAU'I:

Nani wale-ua hala ea, ea,
O nau'e i ke kai ea, ea,
Ke oni ea la ea, ea,
Pili mai Haena ea, ea,
Ena aku'ia maka ea, ea,
O na manu i ka pua ea, ea.

Hui:—Haina ka inoa ea, ea,
Kaleleonalani ea, ea,
A ike i ka lehua ea, ea,
Mikiala ilaila ea, ea,
Ilaila no au ea, ea,
Me ka manao pu ea, ea,
Nani wale kanaha lei ea, ea,
I puia i ke ala ea, ea.

Ke ala laua e, ea,
O ka pua Mokihana ea, ea,
Oni aku na Hono ea, ea,
Ka pua o Pilani ea, ea,
O ko' u lei ia ea, ea,
O-ua lai nei ea, ea.

HE LEI NA KE ALOHA.

He lei mai nei ko' u,
O nei ano ahiahi,
||:Nai ala i lawe mai,
A loaa au ia nei:||

He lei ua puia,
I ke ala me ke aloha,
||:Palai lau lipolipo,
J pulu i ka ua Kuahine;||

E malama no wau,
Ka ilina a ke aloha,
||:I kahiko mau no' u,
No kuu hono onaona;||

He wahi misiona kau,
Na hora o ke aumoe,
||:Ko aka ka' u i ike,
Me ka lei nani pua rose;||

Hone ana i kuu dreams,
Ka leo o ke Guitar,
||:Me ka sweet words nahenahe,
O opua daimana ;||

E'hoi no ke aloha,
I ke ani a ka gentle breeze,
||:E pa kolonahe nei,
I ka liko lau o ka niu ;||
PILIPILI KA UA I KANAHELE.

Hookohukohu ko maka i ka pua,
Hoonohenohea i ka lehna,
Hoohie luna na lia loko;
Ua ena i ka hai mea maika'i.

Hui:—Pilipili ka ua i kanahale,
Ua kilikilihune kilihau,
Kilikilihau lililehua,
No Waiomao i ka uka lai.

Kuhi ana ua like ka manao,
Me ka ua ula i ka moana,
Aole oe o ke hoa e kohu ai,
Na mi nei no ia pua gadinia.

HAUPU HÔNI I KAMAKANI.

Noenoe kahi aloha,
I ka ohu o Haupu,
Kuahiwi hani kamakani,
Pana kahi lau hinahina.

Hui:—Pupu a paa i ka lima,
Mokihana pohe kanahale,
He mea naenae ke ala,
Ka maile o Kilohana.

Ua kilika o Keoloewa,
I ka hone a Kemamo,
Wai pukupuku libilihi,
Kai hopi me Waipio.

Me he kiina ala na ka manu,
Ka nehe i ka lau lau,
A loaa aku Makaweli,
I ka hale pupu kani ao.

E ao oe ia Limaloa,
I na kiloe i ka pali,
Ne mai nei o Kaipolia,
I hoa pili o Waitoli.

Kanalahale o Paieie,
Wao ala o Pihanakalani,
E hana i ka lokomai'akai,
I nui na makamaka e ke ala.
WAI HUI O KALENA.

Auhea wale ana hoi oe,
E ka noe lipo i kanahele,
Lipolipo i ke oho o ka palai,
Hoapili o ka Ulalena.

HUI:—Aole no oe e pakele,
    I kahi wai huhihi o Kalena,
    Ia wai hui aumeume,
    Me ka rain. Ukiukiu.
A he kiu ka makani o ka aina,
Hoohae ana i ka nauulu,
Kahiko i ka luna o Piholo.
Haahèo i ka Ulalena.
    A heaha ka hana a ka opua,
    Kahiko i ka luna o Kaala,
    A e honi mai ana ke aloha,
    È hoi maua ëa e pili.

KISS AND NEVER TELL.

Auhea oe e ke onaona,
E ke hoa lai o ke ahiahi,
Kaua i ka lai aumoe,
Kiss and never tell.
    Ke ano mai nei kanahele,
Ahohe lele manu o ke kula,
Kaua i ka holoholo mahina,
Kiss and never tell.
No ka lia anuhea ke aloha,
I ka halialia ana mai,
Kaua i ka lai iului,
Kiss and never tell.
He ma-u ia e ke hoa luhi,
Hoa alo o ke kai lipolipo,
Kaua i ka lai anoano,
Kiss and never tell.
Good night ke aloha ahiahi,
Hoapili no ka halia,
E hoi kaua e pili,
Kiss and never tell.

KAPILI.
IPO LEI LIKO LEHUA.

Anhea oe e ke kupukupu la,
Nene aala o Lihue,
He onaona ka’u i honi la,
Ano wale mai no kona aloha.

Hui:—O oe no ka’u makemake,
E ka ipo lei liko lehua,
E ka manu luu wai la,
Poowai o Kaiona;

Ua kiina ia o Lia la,
A loao i ka lipo kanahele,
Ua noua e ka ua Haoa la,
A mamae ka luna o Kaala la,

Noe liilii mai ana ia’u la,
Na kulu kehau a ka noe,
Pulu oe elo au i ke ala la,
O ka maile laulii.

Aala ka liko lauae la,
Ka palai i wili ia me ka hala,
Me ka poli unahe o Maluaka la,
He pua wale no i ke ala.

KE ANO LAI MAI NEI KANAHELE.

Ke ano lai nei kanahele,
Hele a lulu nehe ole ka makani,
I ka noho a Laieikawai,
Wahine kupua o ka waokele.

Hui:—Mai nana mai oe iaia nei e,

"O aloha oe auanei kii mai e,
Ua paa ia nei ka’u kuni la,
Ua sila paa ia me kuu aloha.

Kuu pua kuu lei a-i,
I kui ai au’a lawa la,
I lei hoolai no ka la walea,
I mililani na ka manao.

Haila no oe e noho mai ai,
Me ke aloha ka halia la,
Oiai ua lai au e noho nei,
Maua pu me kuu aloha."
WAIPUNALAU.

Auhea wale oe e ka Uhiwai,
Lei aloha a mi nei,
Alo hookahi iho nei au,
Mamuli o ko leo.

Hui:—Mea ole ia pouli nui,
   I ke kono ae a loko,
   E ake aku ana no a e ike,
   Kahi wai o Punalau.

U-i ae nei o Emalani,
Maanei mai kakou,
E walea ana i ka oluolu,
I ka malu o ke kukui.

Ilua makou ikemaka iho,
I ka wai huna i na pali,
Pulu-pe ai makou,
I ka ohu halii ka palai.

H. Q. G. C.

EVER-SWEET.

Auhea wale ana oe,
E kuu lei Mokihana,
A’u i kui a lawa,
I lei hoochiebie.

Hui:—Ua lai ka nohona iho,
   Me kuu ever sweet,
   Hiki e mai ana ka makani,
   Pono ole kahi manao.

Kuu kino kai alo aku,
I ke anu me ke koekoe,
Mea ole ia anu nui,
I ka nui kono a loko.

Ahi wela mai nei loko;
Ke piipi’i kai mai nei,
O kona mea mau ia,
O ka aawaawa ahuna.
COME DARLING LEI LEHUA.

O oe noia,
Kuu lei lehua,
Ke ala onaona o Panaewa,
Ua kohu no oe,
Me ka nani mae ole,
I lei hoozie no Hilo Bay.

Hui—: Come darling lei lehua,
Please have a kiss,
Come darling lei lehua,
Sweet o Panaewa.

O oe no ia,
Ka maile laulii,
Ke sweet onaona o Hanakahi,
Hookahi no ia,
E hoi e ike,
E pili me iala me sweet moonlight.

Ua lia no au,
E ike ia oe,
I ka wai lehua a ka manu,
I ka ua kilihune,
Noo ne o ka lehua,
E wehi ae la i kuu sweet Home.

Hoi mai ke aloha,
Me sweet lei lehua,
E lei i ke one o Punahoa,
He hoa no oe,
I ka wai kilihune,
I ka wai huihui o Hilo Bay.

Me oe ke aloha,
E ka nani mae ole,
Ke sweet forever o Hanakahi,
Akahi ke aloha,
Ua hiki mai nei,
E pili ka lehua o kuu sweet Home.
BUKE MELE HOONANEÁ.

KA UKA I WAAHILA.

Aloha aloha kuu home,
Home noho a na kini,
Hōme kipa a ka malihini;
Laukanaka i na manu,
Anoano mai ana ke aloha,
O rā la opiopio,
Laulele i ka nui o na hoa,
He mea ole i ke aloha.

HUI:—Hookahi wai o ka like,
  I hoa kuwili no ka uka,
  O ce a owau ilaila,
  I ka rain Tuahine o Manoa,
  O ka nihi a ka ua i Waahila,
Kahiko mai la i Manoa,
  Ua pono oe e ka ua tilihune,
I ka hone a ka wai o Pualoke,
  E ake aku au e ike,
Ka iniki welawela a na ipo,
  Ua elo pulu i ka ua noe,
He mea ole i ka manao.

JACK, JOE me ELIZA.

PUA MEGELO NOTE.

Ia oe e ka li'a pau ole,
Pua ala a ka po megelo note,
A' u i hoohiehie ai,
Nānī pua lilīa o ke kula.

HUI:—E hoi mai e hoi mai kaua,
  Wai olu piko o Himela,
  I ncho pono iho ka anoi,
Honē ana Dudima i ka poli,
Nānī wale kuu ike ana,
  I ke koa laukahi o Kapela,
  I ka nape holu mai i ka uka,
Moena hanu o Lilikoi.

Kuhi au ua like a like,
  Me Onini pua i ka wai,
  I ka hooholoholu a iala,
  Opi ai ka mino o ke kalohi.
THE EATING OF THE POI.

Oh, dear! Oh, dear! a very queer
And curious thing I've seen,
Which takes the shine completely off,
The wearing of the green;
Potatoes constitute a dish
That Irishmen enjoy,
But it can't hold a candle to
The eating of the poi.
I met a fat kanaka, and he
Asked me to his hale,
He wore no clothes to speak of,
But a pa-u and papale,
Upon a mat cross-legged we sat,
And there, and then, my boy,
I was initiated in
The eating of the poi.
A calabash between us stood,
Tutui in a dish,
And in another one, some
Animated shrimps and fish;
We pitched in, and did
No cutlery employ,
The finger is the instrument
For the eating of the poi.
You dip it in, and stir it round,
'Tis difficult to learn,
And harder to describe the
Proper scientific turn,
Sometimes one finger, sometimes two,
And sometimes three employ,
According to your appetite
When eating of the poi.
To unaccustomed lips, it has
A most peculiar taste,
A strong similarity
To very ancient paste.
But when you've clean'd the calabash,
You want to hiamoe,
And soon get fat as butter, just
From eating of the poi.